

國語

魯語上第四 國語 韋氏解

長勺之役曹劌問所以戰於嚴公

長勺魯地也曹劌魯士也

公之子嚴公同也初齊襄公立其政無常鮑叔牙曰君使民慢亂將作矣奉公子小白奔莒魯嚴八年齊無知殺襄公管夷吾召忽奉公子糾奔魯九年夏嚴公伐齊納子糾小白自莒先入與嚴公戰于乾時嚴公敗績故十年齊興

公曰余不愛衣食於民

有惠不賜也

愛牲玉於神

牲犧牲玉圭璧所以祭祀也

對曰夫惠

本而後民歸之志

惠本謂樹德施利也

民和而後神

降之福

降下也民神之主

若布德于民而平均其政

事君子務治而小人務力動不違時器不過用

不過用禮

財用不匱莫不共祀

無不共祀非獨已也是以用民無不聽求

福無不豐今將惠以小賜祀以獨恭

小賜臨戰之賜獨恭一身之恭

也小賜不咸獨恭不優

咸編也優裕也

不咸民弗歸也不優

神弗福也將何以戰夫民求不匱於財而神求優裕

於享者也

裕饒也享食也民和年豐為優裕

故不可以不本

本先利民莫不

共祀公曰余聽獄雖不能察必以情斷之

獄訟也

對曰是

則可矣

可者未大備可以一戰傳曰齊師敗績

夫苟中心圖民知雖不

及必將至焉

苟誠也言誠以中心圖慮民事其知雖有所不及必將至於道也

嚴公如齊觀社

嚴公二十三年齊因祀社蒐軍實以示客公往觀之

曹劌諫曰

不可夫禮所以正民也是故先王制諸侯使五年四

王一相朝也

賈侍中云王謂王事天子也歲聘以志業間朝以講禮五年之間四聘於王而

一相朝者將朝天子先相朝也唐尚書云先王謂堯也五載一巡守諸侯四朝昭謂以堯典相參義亦似之然此欲以禮正君宜用周制周禮中國凡五服遠者五歲而朝禮記曰諸侯之於天子也此年一小聘三年一大聘五年一朝謂此也禮終則講於會以正班爵也晉文公霸時亦取於此禮

之義禮終畢也講君也班位次序尊卑之義

帥長幼之序訓上下之則也帥循制財用之節

謂牧伯差國大小使受職貢也

其間朝夫齊棄大公之法而觀民於社

會之

間夫齊棄大公之法而觀民於社

大公齊始祖大公望也

君為是舉也舉動

而往觀之非故業也

也何以訓民土發而社助時也

土發春分也周語曰土乃脉發社者助時

求福為

收擗而烝納要也

擗拾也冬祭曰烝因祭社以納五穀之要休農夫也

月今日孟冬祀于天

宗大祀公社及門閭今齊社而往觀旅非先王之訓

也旅衆也

天子祀上帝

上帝天也

諸侯會之受命焉

助祭受命也

諸侯祀先王先公

先王謂若宋祖帝乙鄭祖厲王之屬也先公先君也

卿大夫

佐之受事焉

事職也

臣不聞諸侯之相會祀也祀又不

法

不法謂觀民也

君舉必書

動則左史書之言則右史書之

書而不法後嗣

何觀公不聽遂如齊

嚴公丹桓宮之楹而刻其桷

桓宮桓公廟也楹柱也唐去桷椽頭也昭謂桷

一名椽今北土云亦然爾雅曰桷謂之椽嚴公娶于齊曰哀姜哀哀姜將至當見於廟故丹柱刻椽以夸之

匠師慶言於公

匠師慶掌匠大夫御孫之名也

曰臣聞聖王公之先

封者

謂若湯武周公大公

遺後之人法使無陷於惡其爲後世

昭前之令聞也

爲猶使也

使長監於世

監觀也觀世成敗以爲戒也

故

能攝固不解以久攝持也今先君儉而君侈之先君令相公

德耗日矣替滅也公曰吾屬欲美之屬適也適欲自美對之非先君意也

曰無益於君而替前之令德臣故曰庶可以已乎已止也

也公弗聽

哀姜至公使大夫宗婦覲用幣宗婦同宗大夫之婦也覲見也見夫入也

用幣言與大夫同贊宗人夏父展曰非故也宗人宗伯也夏父氏也展名也宗伯

主男女贊幣之禮故故事也公曰君作故言君所作則為故事對曰君作而

順則故之順順於禮則逆則亦書其逆也臣從有司

懼逆之書於後也故不敢不告從有司言備位隨夫從有司後行也

婦贊不過棗棗以告虔也棗取蚤起也棗取敬也棗虔敬也曲禮曰婦人之贊脯脩

棗男則玉帛禽鳥以章物也

謂公執桓圭侯執信圭

執蒲璧孤執皮帛卿執羔大夫執鴈士執雉庶人執鷩工商執雞也章明也明尊卑異物也

今婦

執幣是男女無別也男女之別國之大節也不可無

也公弗聽

魯饑臧文仲言於嚴公

魯饑在嚴公二十八年文仲

子臧孫辰也曰夫為四鄰之援

援所攀援以為助也

結諸侯之信重

之以婚姻申之以盟誓

申重也

固國之艱急是為

艱難也

為為難急也

鑄名器

名器鐘鼎也

藏寶財

寶財玉帛也

固民之殄病

是待

殄絕也病饑也

今國病矣君盍以名器請糴于齊

盍何不也

曰糴公曰誰使對曰國有饑饉卿出告糴古之制也

告請也辰也備卿辰請如齊公使往從者曰君不命吾

子吾子請之其為選事乎

選事自選擇其職事也

文仲曰賢者

急病而讓夷

夷平也

居官者當事不避難在位者恤民

之患是以國家無違

無相違恨者

今我不如齊非急病也

在上不恤下居官而惰非事君也文仲以鬯圭與玉

磬如齊告糴

鬯圭裸鬯之圭長尺二寸有瓚以祀廟王磬鳴璆也

曰天灾流行

戾于敝邑饑饉荐降民羸幾卒

戾至也荐重也降下也羸病也幾近也卒

盡大懼殄周公大公之命祀

賈唐二君云周公為大宰大公為大師皆掌命

諸侯之國所當祀也或云命祀謂命祀二公也昭謂傳曰衛成公祀夏后相甯武子曰不可以聞成王周

公之命祀如

職貢業事之不共而獲戾

戾罪也

不腆先

此賈唐得之

君之敝器

也 腆厚

敢告滯積以紓執事

滯久也紓緩也 執事齊有司也

穀久積則將朽敗執事所以救敝邑使能共職豈唯

憂也請之所以緩執事

寡君與二三臣實受君賜其周公大公及百辟神祇

實永饗而賴之

辟君也賴蒙也天曰神地曰祇 百辟謂百君卿士有益於民者

齊人

歸其玉而予之糴

齊孝公來伐

孝公齊桓公之子孝公昭也魯僖公叛齊與衛莒盟于洸又盟于向故孝公伐

魯討此

臧文仲欲以辭告

欲以文辭告謝齊也

病焉

病不能為辭也

於展禽

展禽魯大夫展無駭之後柳下惠也字季禽

對曰獲聞之處大教

小處小事大所以禦亂也不聞以辭

獲展禽之名若也禦止也

為小而崇以怒大國

崇高也謂自高 大不事大國

使加已亂亂在

前矣

也亂惡

辭其何益文仲曰國急矣百物唯其可者

將無不趨也

百物之中可用行賂將無不趨言無所愛也

願以子之辭行

賂焉其可乎展禽使乙喜以膏沐犒師

乙喜魯大夫展喜也犒勞

也以膏沐爲禮欲以義服齊明不以賂免

曰寡君不佞

佞才也

不能事疆場

之司

司主也主疆場吏也

使君盛怒以暴露於敝邑

之野敢犒輿師

輿衆也

齊侯見使者曰魯國恐乎

乙喜使者也

對曰小人恐矣君子則不公曰室如縣磬野無青

草何恃而不恐

縣磬言魯府藏空虛但有壞梁如縣磬也野無青草旱甚也故言何恃

對曰恃二先君之所職業昔者成王命我先君周文

公及齊先君大公曰女股肱周室以夾輔先王

先王武王

也賜女土地質之以犧牲世世子孫無相害也

質信也謂

使之盟以信其約

今君來討敝邑之罪其亦使聽從而釋之

釋置也

必不泯其社稷

泯滅也

豈其貪壤地而棄先王之

命其何以鎮撫諸侯恃此以不恐齊侯乃許為平而

還

平和也

溫之會

溫之會晉文公討不

服在魯僖二十八年晉人執衛成公歸之于

周

成公恃楚而不事晉又殺弟叔武其臣元咺訴之晉故文公執之

事見周語中使醫鳩之

不死

鳩鳥名也一名運日其羽有毒漬之酒而飲之立死傳曰晉侯使醫衍鳩衛侯甯俞貨醫使薄

其鳩不死在魯僖三十年

醫亦不誅

不誅醫者諱以私行毒也

臧文仲言於僖

公子僖公嚴公之

曰夫衛君殆無罪矣刑五而已無有

隱者隱乃諱也

隱謂

大刑用甲兵

賈侍中云謂諸侯不式王命則以大

師移之昭謂甲兵謂臣有大逆則

其次用斧鉞

斧鉞

被甲聚兵而誅之若今陳軍也

中刑用刀鋸

割刺用刀斷截用鋸亦有其

其

次用鑽笮

鑽臍刑笮

薄刑用鞭扑以威民也

鞭官刑

故大者陳之原野

謂甲兵小者致之市朝

刀鋸以

死刑大夫以上尸諸

五刑三次是無隱也

五刑甲兵

朝士以下尸諸市

今晉人鳩衛侯不死亦不討其使

者使諱而惡殺之也

諱殺

有諸侯之請必免之

臣聞之班相恤也故能有親

班次也恤憂也言位

夫

諸侯之患諸侯恤之所以訓民也

訓教也

君盍請

衛君以示親於諸侯且以動晉

動發晉侯之志

夫晉新得諸

侯

新為伯也

使亦曰魯不棄其親其亦不可以惡

惡亦不可以

可以惡魯也

公說行王二十穀乃免衛侯

雙王曰穀傳曰

納王於王及晉

侯皆十穀王許之

自是晉聘於魯加於諸侯一等

貴其義也

爵同

則厚其好貨

爵與魯同者特厚其好貨

衛侯聞其臧文仲之為也

使納賂焉辭曰外臣之言不越境不敢及君

言臣不外交也

晉文公解曹地以分諸侯

解削也

晉文公誅無禮曹人不服伐而執其君削其

地以分諸侯事在魯僖三十一年取濟西之田

僖公使臧文仲往宿於重館

重魯地館候館也周禮五十里有市市有候館

重館人告曰晉始伯而欲固

諸侯

人守館之隸也固猶安也

故解有罪之地以分諸侯

有罪謂不禮文

公觀駢
魯也

諸侯莫不望分而欲親晉皆將爭先晉不以

故班

班次也

亦必親先者吾子不可以不速行魯之班

長而又先

長猶尊也
先先至也

諸侯其誰望之

誰敢望與
魯爲比也

若少

安恐無及也從之獲地於諸侯爲多反旣復命爲之

請曰地之多也重館人之力也臣聞之曰善有章雖

賤賞也

章著也

惡有釁雖貴罰也

釁孔也

今一言而辟

境其章大矣

辟開也

請賞之乃出而爵之

出出之於隸
爵爵爲大夫

海鳥曰爰居止於魯東門之外二日

爰居雜縣也東
門城東門也

臧文仲使國人祭之

文仲不知
以爲神也

展禽曰越哉臧孫之

爲政也

越迂也言其迂
闕不知政要

夫祀國之大節也

節制也

政之所成也

言節所成政

故慎制祀以爲國典

典法也

今無

故而加典非政之宜也

加益也謂以祭鳥益國法也

夫聖王之制

祀也法施於民則祀之

謂五帝

以死勤事則祀之

殷冥水死周棄山死是也

以勞定國則祀之

虞幕夏杼殷上甲能

禦大災則祀之

夏禹是也

能扞大患則祀之

殷湯周武是也

非是

族也不在祀典

族類也

昔烈山氏之有天下也

烈山氏炎帝之

號也起於烈山祭法以烈山爲厲山

其子曰柱能殖百穀百蔬

柱爲后稷自夏

以上祀之草實曰蔬

夏之興也周棄繼之故祀以爲稷

夏之興謂禹也

棄能繼柱之功自商以來祀之

共工氏之伯九有也

共工氏伯者在戲農之間有域

也其子曰后土能平九土

其子共工之裔子句龍也佐黃帝爲土官九土九州

之上也。后君也。使君土官。故曰后土。故祀以爲社。社后土之神也。黃帝能成命。

百物以明民共財。黃帝少典之裔。子顓頊能脩之。顓

黃帝之孫。昌意之子。帝高陽也。能脩脩黃帝之功。帝嚳能序三辰以固民。安

也。帝嚳黃帝之曾孫。玄囂之孫。嚳極之子。帝高辛也。三辰日月星也。謂能次序三辰以治曆明時。教民稼

穡以堯能單均刑法以儀民。堯帝嚳之庶子。陶唐氏

儀善也。舜勤民事而野死。舜顓頊之後。六世有虞。帝重

也。絲鄣洪水而殛死。殛誅也。絲顓頊之後。禹之父

野不成。堯用殛之于羽山。禹爲禹能以德脩絲之功。功

雖不成。禹亦有所契爲司徒而民輯。契殷之祖。爲堯

因故曰脩絲之功。冥勤其官而水死。冥契後六世孫。根圉之子也。

和也。

水湯以寬治民而除其邪

湯冥後九世主癸之子為夏諸侯以寬得民除其邪

謂放桀并大惠也

稷勤百穀而山死

稷周棄也勤播百穀死於黑水之山毛詩傳云

文王以文昭

文王演易又有文德周語曰文王質文

武王去民之穢

穢謂

紂也故有虞氏禘黃帝而祖顓頊郊堯而宗舜

賈侍中云有虞

氏舜後在夏殷為二王後故有禘郊宗祖之禮也昭謂此上四者謂祭天以配食也祭昊天於園立曰禘

祭五帝於明堂曰祖宗祭上帝於南郊曰郊有虞氏出自黃帝顓頊之後故禘黃帝而祖顓頊舜受禪於

堯故郊堯禮祭法有虞氏郊嚳而宗堯與此異夏后者舜在時則宗堯舜崩而子孫宗舜故郊堯耳

氏禘黃帝而祖顓頊郊鯀而宗禹

虞夏俱黃帝顓頊之後也故禘祖之

禮同虞以上上德夏以下親親故夏郊鯀也

商人禘舜而祖契郊冥而宗

湯

舜當為嚳字之誤也禮祭法曰商人禘嚳嚳契周父商之先故禘之鄭後司農云商人宜郊契也

周

人禘饗而郊稷

周始祖也

稷

祖文王而宗武王

此與

異者商家祖契周公初時亦祖后稷而宗文王至武王雖承文王之業有伐紂定天下之功其廟不可以毀故先推后稷以配天而

後更祖文王而宗武王

幕能帥顓頊者也有虞氏

報焉

慕舜之後虞思也爲夏諸侯帥循也顯頊有虞氏之祖也報報德之祭也

杼能帥禹

者也夏后氏報焉

杼禹後七世少康之子季杼也能興夏道者

上甲微能

帥契者也商人報焉

上甲微契後八世湯之先也

高圉大王能帥

稷者也周人報焉

高圉后稷後十世公非之子也凡大王高圉之曾孫古公亶父也

禘郊宗祖報此五者國之典祀也

典法也

加之以社稷

山川之神皆有功烈於民者及前哲令德之人所

以爲明質也

質信也以其有德於民而祭之所以信之於民心

及天之三辰

民所以瞻仰也及地之五行所以生殖也

五行長也五祀金

木水火土及九州名山川澤所以出財用也

謂九州之中名山川澤也

非是不在祀典今海鳥至已不知而祀之以為國典

難以為仁且知矣夫仁者講功

講論也仁者心平故可論功也而知

者處物處

名也

無功而祀之非仁也

言鳥無功

不知而不問

非知也今茲海其有災乎夫廣川之鳥獸恒知而避

其災也是歲也海多大風冬煖

爇所避也

文仲聞柳下

季之言

柳下展禽之邑季字也

曰信吾過也季子之言不可不

法也使書以為三策

策簡書也三策三卿卿一通謂司馬司徒司空也

文公欲弛孟文子之宅

文公魯僖公之子文公與也弛毀也孟文子魯大夫公孫

教之子文伯穀也宅有司使謂之曰吾欲利子於外

所居公欲毀之以益宮

之寬者

於外寬地以利子也對曰夫位政之建也

建立也此位謂辭也言辭

所以立

署位之表也

署者位之表識也

車服表之章也

車服貴賤

政事

有等所以宅章之次也

有章服者之次舍也

祿次之食也

居次舍者

之所君議五者以建政爲不易之故也

五謂位署服宅祿也有其

位則治其官服其章居其次食其祿也君議五者以立政事爲不可改易

今有司來命易

臣之署與其車服而曰將易而次爲寬利也

下而而汝也爲

欲寬利汝也

夫署所以朝夕虔君命也

言朝夕者不宜遠也

臣立先

臣之署服其車服爲利故而易其次

先臣父祖之官

是辱君

命也不敢聞命

言臣不守先臣之職而欲寬利則是辱命之臣也

若罪也則

請納祿與車服而違署

納歸也祿田邑也違去也若臣有罪則請歸祿與車服而去其唯里人之所命次

里人里宰也

有罪則請歸祿與車服而

位則當受舍於里宰公弗取

臧文仲聞之曰孟孫善守矣

善守善守職也

其可以蓋穆伯

而守其後於魯乎

穆伯文子之父公孫敖也淫乎莒出奔而死於齊今父子守官不失

禮故可以掩蓋其父之惡守其後嗣也

公欲弛郈斂子之宅亦如之

文公

公也郈斂子魯大夫郈惠伯之後立孫斂伯對曰先

臣惠伯以命於司里

言先臣惠伯受命於司里居此宅也嘗禘烝享之

所致君胙者有數矣

春秋祭曰嘗夏祭曰禘冬祭曰烝春祭曰享享獻物也賈唐二君

云臣祭致肉於君謂之致胙昭謂此私祭而致肉非所以爲辭也致君胙者謂君祭祀賜胙臣下掌致之

世數也

出入受事之幣以致君命者亦有數矣

出入謂受使出境入國奉聘幣以致君命者亦於此宅世數矣今命臣更次於外舍

也外也為有司之以班命事也無乃違乎違遠也言有司以位

次命職事於臣臣在外請從司徒以班徒次公亦弗

取司徒掌里宰之政比夫家衆寡之官也取自以有罪君欲黜之故請從司徒徙里舍也

夏父弗忌為宗弗忌魯大夫夏父展之後丞將躋僖

公躋升也賈侍中云丞進也謂夏父弗忌進言於公將外僖公於閔公上也唐尚書云丞祭也昭謂此

魯文公三年喪畢祭先君於太廟升羣廟之主序昭穆之時也經曰八月丁卯大事于太廟躋僖公是

也僖閔之兄繼閔而立凡祭秋曰嘗冬曰烝此八月而言烝用烝禮也凡四時之祭烝為備傳曰大事者

祭祭也毀廟之主陳于太祖未毀廟之主皆升合宗食于太祖躋僖公逆祀也逆祀者先禰而後祖也宗

有司曰非昭穆也宗有司宗官司事臣也非昭穆謂非昭穆之次也父為昭子為穆僖

為閔臣臣子一例而升
閔上故曰非昭穆也
曰我為宗伯明者為昭其次

為穆何常之有
明言信有明德當為昭閔次之當為穆也
有司曰夫宗廟

之有昭穆也以次世之長幼而等
長幼
胄之親疏也
先後

也等齊也
夫祀昭孝也
昭明也明
各致齊敬於其皇

祖昭孝之至也
皇大
故工史書世
工警師官也史太

也工誦其德
宗祝書昭穆
宗宗伯祝太祝也宗
猶恐

其踰也今將先明而後祖
以信為明而升之
自立王

以及主癸莫若湯
立王契也主
自稷以及王季莫若

文武
稷棄也王
商周之烝也未嘗躋湯與文武為踰

也
不使相踰
魯未若商周而改其常無乃不可乎弗聽遂

躋之展禽曰夏父弗忌必有殃夫宗有司之言順矣僖

又未有明焉

未有明德

犯順不祥以逆訓民亦不祥易神之

班亦不祥不明而躋之亦不祥犯鬼道二

二易神之班躋不明也

犯人道二

犯順以逆訓民也

能無殃乎侍者曰若有殃焉在抑

刑戮也其天札也

不終曰天疫死曰札唐云未名曰天失之矣

曰未可知也

若血氣強固將壽寵得沒

壽寵老壽而保寵也沒終也

雖壽而沒不

為無殃

必以殃終

既其葬也焚煙徹于上

已葬而火焚其棺槨也徹達也

莒大子僕殺紀公

紀公生僕及季佗既立僕又愛以季佗而黜僕僕故殺紀公也

其寶來奔

寶玉也來奔奔魯也或有魯字非也此魯語不當言魯

宣公使僕人

以書命季文子

宣公文公之子宣公倭也命告也僕人官名文子魯正卿季孫行父曰

夫莒大子不憚以吾故殺其君而以寶來其愛我甚

矣

憚難也

爲我子之邑今日必授無逆命矣

授于也

里革

遇之而更其書

里革魯太史克也遇僕人見公書以大子殺父大逆故更之

曰夫

莒大子殺其君而竊其寶來不識窮固又求自適

固發

也適近也

爲我流之於夷

夷東也今日必通無逆命矣

疾之言明日有司復命

有司司寇復反也文子得書使司寇出之竟明日反命於公也

公詰之

詰問僕人以違命意

僕人以里革對

對以里革所更也公執之

親里革也

曰違君命者女亦聞之乎對曰臣以死奮筆奚

啻其聞之也

言所以觸死奮筆而更公命者不欲傷君德耳奚何也何啻言所聞非一也

臣聞之曰毀則者爲賊

則法也掩賊者爲臧

掩匿也

竊寶

者為軌

亂在內為軌謂以子盜父

用軌之財者為姦

財寶也

使君為

臧姦者不可不去也臣違君命者亦不可不殺也公

曰寡人實貪非子之罪也乃舍之

宣公夏濫於泗淵

濫漬也漬罟於泗水之淵以取魚也泗在魯城北又曰南門

里

革斷其罟而棄之

罟網也

曰古者大寒降土蟄發

降下也寒

氣初下謂季冬建丑之月大寒之後也土蟄發謂孟春建寅之月蟄始震也月令孟春蟄蟲始震魚上冰

獮祭

水虞於是乎講罟罾取名魚登川禽而嘗之寢

廟行諸國人助宣氣也

水虞漁師也掌川澤之禁令講習也罟魚網也罾筍也名

魚人魚也川禽鼈蟹之屬諸之也是時陽氣起魚陟負冰故令國人取之所以助宣氣也月令季冬始漁

乃嘗魚先薦寢廟唐云孟春誤矣

鳥獸孕水蟲成

孕懷子也此謂春時獸虞於

是乎禁置羅網魚鼈以為夏槁

獸虞堂為獸之禁令置兔罟羅鳥罟也禁

禁不得施也措措也槁乾也夏不得取故於此時換刺魚鼈以為夏儲

助生阜也

阜長也鳥

獸方孕故取魚鼈助生物也

鳥獸成水蟲孕水虞於是乎禁置麗

設罝鄂

罝當為罝罝麗小網也罝陷也鄂柞格所以謂立夏鳥獸已成水蟲懷孕之時禁

魚鼈之網設取獸之物也

以實廟庖畜功用也

以獸實宗廟庖廚也而長魚鼈畜四

時功足國財用也

且夫山不槎蘖

槎斫也

澤不伐天

未成

曰魚禁鯤鮪

鯤魚子也鮪未成魚也

獸長麇麋

鹿子曰麇麋子曰麋鳥翼

擊郊

翼成也生哺曰擊未孚曰郊

蟲舍蚺蜎

蚺蜎子也子復陶也子可食舍不

也蕃庶物也古之訓也

蕃息也

今魚方別孕不教魚長

又行網罟貪無藝也

別別於雄而懷子也藝極也

公聞之曰吾過

而里革匡我不亦善乎是良罾也為我得法良善使也

有司藏之使吾無忘諗言見此罾則不忘里革之言也諗告也師存侍

師樂師存名也曰藏罾不如真里革於側之不忘也真置也

子叔聲伯如晉謝季文子子叔聲伯魯大夫宣公弟叔肸之子公孫嬰齊也謝

季文子者魯叔孫僑如欲去季氏譜季文子於晉晉人輒之卻犇之妻聲伯之外妹也故魯成公使聲伯

如晉謝之且請之卻犇欲與之邑弗受也卻犇晉卿事在魯成十六年

以妻故親聲伯故歸鮑國謂之曰子何辭苦成叔欲為請邑以予之

之邑欲信讓邪抑知其不可乎鮑國鮑叔牙之玄孫鮑文子也去齊適魯

為施孝叔臣對曰吾聞之不厚其棟不能任重厚大也任勝也重

莫如國棟莫如德言國至重非德不任國棟夫苦成叔家欲任兩

國而無大德

任負荷也兩國晉魯也

其不存也亡無日矣譬言之

如疾余恐易焉

疾變厲也

苦成氏有三亡少德而多寵位

下而欲上政

位為下卿而欲專國政

無大功而欲大祿皆怨府

也

怨之所聚故曰府

其君驕而多私

其君謂厲公也多私多嬖臣也

勝敵而

歸必立新家

勝敵敗楚也大夫稱家立謂立所幸胥童之屬為大夫

立新家

不因民不能去舊

不因民之所惡不能去舊卿也

因民非多怨民無

所始

言郤氏多怨民所始伐也

為怨三府可謂多矣

三謂少德而多寵位下而

欲上政無大功而欲大祿也

其身之不能定焉能子人邑鮑國曰

我信不若子若鮑氏有釁吾不圖矣

釁非也言鮑氏有禍非吾不

能豫圖之

今子圖遠以讓邑必常立矣

晉人殺厲公

晉人晉欒書中行偃也

邊人以告

邊人疆場之司

成公在

朝

成公魯宣公之子成公黑肱也

公曰臣殺其君誰之過也大夫莫

對里革曰君之過也夫君人者其威大矣

君天也故其威大矣

失威而至於殺其過多矣

過不積不至於殺

且夫君也者將

牧民而正其邪者也若君縱私回而棄民事

回邪民也

旁有慝無由省之

慝惡也省察也

益邪多矣若以邪臨民陷

而不振

陷墜也振救也

用善不肯專則不能使至於殄滅而

莫之恤也將安用之

安用君也

桀奔南巢

南巢揚州地巢伯之國也今廬

江居巢縣是也

紂踣于京

踣斃也京殷京師也

厲汙于彘

厲周厲王也彘晉地

幽

滅于戲

幽幽王為西戎所殺戲戲山在西周

皆是術也

術道也皆失道多過之道夫

君也者民之川澤也行而從之美惡皆君之由民何能爲焉

川澤者以君諭川澤民諭魚也從之者魚從川之美惡以爲肥瘠

季文子相宣成無衣帛之妾無食粟之馬仲孫它諫

仲孫它魯孟獻子之子子服它也

曰子爲魯上卿相二君矣妾不衣

帛馬不食粟人其以子爲愛且不華國乎

愛吝也華榮華也

文子曰吾亦願之

願華侈也

然吾觀國人其父兄之食麤

而衣惡者猶多矣吾是以不敢人之父兄食麤衣惡

而我美妾與馬無乃非相人者乎且吾聞以德榮爲

國華

以德榮顯者可

不聞以妾與馬文子以告孟獻

子

獻子它之父仲孫蔑也

獻子囚之七日

囚拘也

自是子服之妾

衣不過七升之布

子服卽它也
八十錢爲升

馬餼不過稂莠

餼秣也
稂莠

童稂也莠草
似稷而無實

文子聞之曰過而能改者民之上也使

爲上大夫

魯語上第四

國語

魯語下第五 國語 韋氏解

叔孫穆子聘於晉穆子魯卿叔孫晉悼公饗之禮見

之樂及鹿鳴之三而後拜樂三及至也悼公先為穆子作肆夏文王各三

篇而不拜至作鹿鳴之三篇而後拜樂三也晉侯使行人問焉行人官名掌賓客之

禮傳曰韓獻子使行人子貢問焉使曰子以君命鎮撫敝邑鎮重也撫安也不

腆先君之禮以辱從者腆厚也稱從者謙也不腆之樂以節之

以樂節吾子舍其大而加禮於其細敢問何禮也謂大

肆夏大王細謂鹿鳴也對曰寡君使豹來繼先君之好君以諸

侯之故況使臣以大禮況賜也夫先樂金奏肆夏繁遏

渠天子所以饗元侯也金奏以鍾奏樂也肆夏一名渠樊韶夏一名遏納夏一名渠

此三夏曲也禮有九夏周禮鍾師掌以鍾鼓奏九夏元矣牧伯也鄭後司農云九夏皆篇名頌之類也載在樂章樂崩亦從而亡是以頌不能具夫歌文王大明繇則兩君相見

之樂也

文王大明繇大雅之首文王之三也此三篇皆美文王武王有聖德天所輔胙其德應符

驗箸見於天下故兩君相見得以爲樂也

先皆昭令

德以合好也皆非使臣之所敢聞也臣以爲肄業及

之故不敢拜

肄習也以爲樂人自習修其業而及之故不敢拜

今伶簫咏歌

及鹿鳴之三

伶伶人樂官也簫樂器編管爲之言樂人以簫作此三篇之聲與歌者相應也

詩云簫管備舉君之所以况使臣臣敢不拜况夫鹿鳴君之

所以嘉先君之好也敢不拜嘉

嘉善也鹿鳴曰我有嘉賓德音孔昭是爲

嘉善先君之好也

四牡君之所以章使臣之勤也敢不拜章

四牡君勞使臣之樂也章箬也言臣奉命勞勤於外述敘其情以歌樂之所以著其勤勞也

者華君教使臣曰每懷靡及

皇皇者華君遣使臣之樂也皇皇猶煌煌也懷

私為每懷靡無也言臣奉使當榮顯其君如華之色煌煌然既受命當思在公每人人懷其私於事將無及詎謀度詢必咨於周敢不拜教

此六者皆君之所

善為咨忠信為周言誅謀度詢必當咨之於忠信之人

臣聞之曰懷和為每懷

鄭後司農云和當為私

咨才為詎

才當為事傳曰咨事為詎

咨事為謀事當

傳曰咨

咨義為度

咨禮義為度度亦謀也

咨親為詢

詢親戚忠

信為周

言當咨之於忠信之人也詩云周爰咨詢

君況使臣以大禮重之

以六德敢不重拜

六德謂詎也謀也度也詢也咨也周也

季武子為三軍

為作也武子魯卿季文子之子季孫風也周禮天子六軍諸侯大國三軍

魯伯禽之封舊有三軍其後削弱二軍而已武子欲
專公室故益中軍以爲三三家各征其一事在魯襄

年十一叔孫穆子曰不可天子作師公帥之以征不德

師謂六軍之衆也公謂諸侯爲王卿士者也周禮軍
將皆命卿詩云周公東征周公時爲二伯而東征則

亦上公爲元侯作師卿帥之以承天子元侯大國之
君也師三軍

之衆也大國三卿皆命於天子承天子謂從王師征
不義也孔子曰天下有道則禮樂征伐自天子出

諸侯有卿無軍帥教衛以贊元侯諸侯謂次國之君
也

二卿命於天子一卿命於其君無軍無三軍也若元
侯有事則令卿帥其所教武衛之士以佐元侯禮所

謂次國二軍小國一軍謂以自伯子男有大夫無卿

賦出軍從征伐也贊佐也賦國中出兵

無卿無命卿也王制曰帥賦以從諸侯賦國中出兵

小國二卿皆命於其君車甲士以從

大國諸侯也征正也今我小侯

是以上能征下下無姦慝

慝惡也

今我小侯

也言小侯者削弱之日久矣處大國之間大國齊楚也繕貢賦以共從

者猶懼有討猶懼以不給見誅討也若為元侯之所三軍元侯所謂作

所為以怒大國無乃不可乎弗從遂作中軍言中者明已有上下

也軍自是齊楚代討於魯代更襄昭皆如楚襄昭公也昭昭公也如

楚朝事楚也事在襄二十九年昭七年

諸侯伐秦及涇莫濟及至也涇水名也濟度也魯襄十一年晉悼公伐秦人伐晉

以救鄭十四年晉使六卿帥諸侯之大夫伐秦至涇水無肯先渡者晉叔嚮見叔孫穆

子曰諸侯謂秦不恭而討之及涇而止於秦何益何益

何益於伐秦之事穆子曰豹之業及匏有苦葉矣不知其它

業事也匏有苦葉詩邶風篇名也其詩曰匏有苦葉濟有深涉深則厲淺則揭言其必濟不知其它也

叔嚮退召舟虞與司馬

舟虞掌舟司馬掌兵

曰夫苦匏不材於

人共濟而已

材讀若裁也。不裁於人言不可食也。共濟而已。佩匏可以度水也。

魯叔

孫賦匏有苦葉必將涉矣

詩以言志也。

具舟除隧不共有

法

隧道也。共具也。舟虞具。舟司馬除道法刑也。

是行也魯人以莒人先濟

諸侯從之

諸侯諸侯之大夫也。以用也。能東西之曰以。

襄公如楚及漢聞康王卒欲還

襄公魯成公之子襄公午也。如楚者以宋

之盟朝于楚也。漢水名。康王楚恭王之子康王昭也。

叔仲昭伯曰君之來也非

為一人也

叔仲昭伯魯大夫。叔仲惠伯之孫。叔仲帶也。一人謂康王也。

為其名與

其眾也

名謂為大國有盟主之名也。眾略地多兵甲眾也。

今王死其名未改

其眾未敗何為還諸大夫皆欲還子服惠伯曰不知

所為姑從君乎

惠伯魯大夫仲孫它之子服椒也姑且也

叔仲曰子之

來也非欲安身也為國家之利也故不憚勤遠而聽

於楚

憚難也

非義楚也畏其名與衆也

義楚非以楚有義而往也

夫

義人者固慶其喜而弔其憂況畏而服焉

憂猶賀也喜猶福也

聞畏而往聞喪而還苟芊姓實嗣其誰代之任喪

芊楚

姓也嗣嗣世也任當也誰當代之當喪為至者乎言必自當之故不可不往弔也

王太子又

長矣執政未改

執政令尹司馬也改易也

予為先君來死而去之

其誰曰不如先君

言我為楚先君故來聞死而去之後嗣臣子誰肯自謂德不如先君

者將為喪舉聞喪而還其誰曰非侮也

舉動也如在國聞楚有喪

將為之舉動而往况已至漢聞喪而還其誰言魯不輕侮之也

事其君而任其政其

誰由已貳任當也由從也言楚臣方事其君而當其政其誰肯從已時而使諸侯有攜貳者乎

求說其侮而亟於前之人其讎不滋大乎說猶除也亟疾也言楚君求除其輕侮已者將急疾於前之人此讎不益大乎

說侮不懦執政不疾也言楚君求除其輕侮已者將

貳帥大讎以憚小國其誰云待之懦弱也憚難也言楚人欲除其侮後

之恥不懦弱其執政之臣無二心以楚大讎為魯作難其誰能待之待猶禦也若從君而走

患則不如違君以辟難走之且夫君子計成而後行

二三子計乎有禦楚之術而有守國之備乎則可也

可也若未有不如往也乃遂行反及方城聞季武子

襲卞方城楚北山下魯邑也公欲還出楚師以伐魯

伐季氏也言魯者季氏專魯國榮成伯曰不可成伯魯大夫聲君之

伯之子名癭

於臣其威大矣不能令於國而恃諸侯諸侯其誰

之

也 暱親

若得楚師以伐魯魯既不違夙之取卞也必

用命焉守必固矣

夙武子名也言夙取卞時魯人不違而從之是為聽用其命必同心

而守故

若楚之克魯

也 克勝

諸姬不獲闕焉而況君乎

彼無亦置其同類以服東夷而大攘諸夏將天下是

王而何德於君其予君也

無亦也同類同姓也攘

姓於魯以取天下不予君也

若不克魯君以蠻夷伐之而又求入

焉必不獲矣不如予之

予之以卞

夙之事君也不敢

不悛

悛改

醉而怒醒而喜庸何傷

庸用也言公欲伐魯若人醉而怒今

止若醒而喜

也用何傷乎君其入也乃歸

襄公在楚季武子取卞使季冶逆

季冶魯大夫季氏之族子治也逆迎

也追而予之璽書

璽印也古者大夫之印亦稱璽璽書璽封書也

以告曰卞

人將叛臣討之既得之矣

此璽書之辭也

公未言榮成子曰

恐公怒故先言也

子股肱魯國社稷之事子實制之唯子所

利何必卞

利猶便也

卞有罪而子征之子之隸也又何謁

焉

隸殺也謁告也

子冶歸致祿而不出

致歸也歸祿還采邑也傳曰公治致其邑

曰使予欺君謂予能也

欺謂璽書言卞人將叛也能賢能也

能而欺其

君敢享其祿而立其朝乎

享食也

虢之會

諸侯之大夫尋宋之盟也在魯昭元年

楚公子圍二人執戈先

焉

楚公子圍恭王之庶子靈王熊虔也時為令尹先謂使二人執戈在前導也

蔡公孫歸

生與鄭罕虎見叔孫穆子

歸生蔡大師子朝之子子家也罕虎鄭大夫子罕之

孫子展之子子皮也穆子魯御叔孫豹也

穆子曰楚公子甚美不大夫矣

美謂服飾盛也

抑君也

似君也

鄭子皮曰有執戈之前吾惑之

惑疑怪也

蔡子家曰楚大國也公子圍其令尹也有執戈

之前不亦可乎穆子曰不然天子有虎賁習武訓也

訓教也虎賁掌先後三而趨舍則守王開在國則守宮門所以習武教也

諸侯有旅賁禦

災害也

禦禁也旅賁掌執戈盾夾車而趨車止則持輪所以備非常禁災害也

大夫有

貳車備承事也

貳副也承奉也事使也

士有陪乘告奔奔也

陪借

重也奔奔使令也

今大夫而設諸侯之服有其心矣

有篡國心也

若無其心而敢設服以見諸侯之大夫乎將不入矣

若不見討必為篡夫服心之文也言心所好如龜焉

不復入為大夫也

灼其中必文於外若楚公子不為君必死不合諸侯

矣不復為大夫以會諸侯也公子圍反殺郟敖而代之郟敖楚康

麋有疾圍縊而殺之葬之于郟謂之郟敖

虢之會諸侯之大夫尋盟未退尋宋之盟也季武子伐莒

取鄆鄆莒邑莒人告于會楚人將以叔孫穆子為戮楚人

今尹圍也以魯背盟取鄆故欲戮之晉樂王鮒求貨於穆子樂王鮒晉大夫樂桓

子曰吾為子請於楚穆子不予梁其涇謂穆子曰有

貨以衛身也出貨而可以免子何愛焉梁其涇穆子家臣衛營也

穆子曰非汝所知也承君命以會大事大事盟也而國有

罪我以貨私免是我會吾私也苟如是則又可以出

貨而成私欲乎

苟誠也誠復有如此事者則當復以私貨求免而成私欲私欲成則公義

廢雖可以免吾其若諸侯之事何夫必將或循之曰

諸侯之卿有然者故也

必將有循效我者言諸侯則之卿嘗有以貨私免者

我求安身而為諸侯法矣

貨免之法

君子是以患作

患作患所

作不得中以亂事也

作而不衷將或導之

衷中也

是昭其不衷也

余非愛貨惡不衷也

欲殺身以成義不欲求生以害道

且罪非我之

由

由武子也

為戮何害

何害於義

楚人乃赦之穆子歸武子勞

之日中不出

日中且至日中也穆子怨其背盟伐昔故不出見之

其人曰可以

出矣

其人穆子家臣曾阜也

穆子曰吾不難為戮養吾棟也

武子

正卿也是為國棟言已為夫棟折而壞崩吾懼壓焉
我魯誅盡矣故曰養吾棟
壓笮也言季氏云故曰雖死於外而庇宗於內可也
則叔孫氏亦必云
庇覆也
今既免大恥而不忍小忿可以為能乎乃出見之

平丘之會晉昭公使叔嚮辭昭公弗與盟

晉昭公晉平公之子

昭公夷也魯昭十年季平子伐莒取郟莒人怨之於
晉十三年晉將討魯會于平丘使叔嚮辭魯昭公不

與之子服惠伯曰晉信蠻夷而棄兄弟

蠻夷莒也其兄弟魯也

執政貳也

執政之臣有二心於莒而助之也

貳必失諸侯豈唯魯然

言不獨失魯也

夫失其政者必毒於人魯懼及焉

必加毒於人

可以不恭必使上卿從之

從至晉

季平子曰然則意

如乎

平子季武子之孫悼子之子意如也時為上卿

若我往晉必患我誰為

之貳

患謂見執若如也貳副也

子服惠伯曰椒既言之矣敢逃難

乎椒請從

椒惠伯名

晉人執平子子服惠伯見韓宣子

宣子

晉正卿韓獻子之子起也

曰夫盟信之要也

要猶結也

晉為盟主是主

信也若盟而棄魯侯信抑闕矣

闕缺也

昔欒氏之亂齊

人間晉之禍伐取朝歌

間候也欒氏晉大夫欒盈也獲罪奔楚自楚奔齊魯襄二

十三年齊莊公納盈不克

秋伐晉取朝歌朝歌晉邑

我先君襄公不敢寧處使

叔孫豹悉帥弊賦

賦兵也

踣踣畢行無有處人

踣踣蹇也

以從軍吏次於離俞

次舍也雍俞晉地

與邯鄲勝擊齊之左

邯鄲勝晉大夫趙旃之子須

子勝也食采邯鄲左左軍也

掎止晏萊焉

從後曰掎止獲也晏

萊齊大夫

齊師退而後敢還非以求遠也

非以求遠功也

以魯之

大夫

齊師退而後敢還非以求遠也

密邇於齊而又小國也

密比也邇近也

齊朝駕則夕極於魯

國也

極至也

不敢憚其患而與晉共其憂亦曰庶幾有益於魯

國乎

益謂得晉之助也

今信蠻夷而棄之夫諸侯之勉於君者將

安勸矣若棄魯而苟固諸侯羣臣敢憚戮乎諸侯之事晉

者魯為勉矣若以蠻夷之故棄之其無乃得蠻夷而失諸

侯之信乎子計其利者小國共命

共命從也

宣子說乃歸平子

季栢子穿井獲如土缶其中有羊焉

栢子魯正卿季平子之子斯也

或云得土如瓦缶狀中有土

使問之仲尼曰吾穿井

而獲狗何也

獲羊而言狗者以孔子博物測之也

對曰以丘之所聞羊

也丘聞之木石之怪曰夔蜎蝮

木石謂山也或云夔一足越人謂之山縲

或作操富陽有之人面喉身能言或云
獨足蝟蝟山精好數人聲而迷惑人也
水之怪曰龍

罔象土之怪曰墳羊

龍神獸也非所常見故曰怪或
云罔象食人一名沐腫唐云墳

羊雌雄
不成者

季康子問於公父文伯之母

康子魯正卿季悼子曾
孫相子之子季孫肥也

文伯魯大夫季悼子之孫公父穆伯
之子公父歟也母穆伯之妻勞姜也

曰主亦有以語

肥也

大夫稱主妻亦
如之語教誡也

對曰吾能老而已何以語子康

子曰雖然肥願有聞於主

覲得一言
可行者

對曰吾聞之先

姑

夫之母曰姑
沒曰先姑

曰君子能勞後世有繼

能勞能自卑
勞貴而不驕

也
孫不廢也

子夏聞之曰善哉商聞之曰古之嫁者不

及舅姑謂之不幸夫婦學於舅姑者也

公父文伯飲南宮敬叔酒

敬叔魯大夫孟僖子之弟南宮說也

露睹父為客

睹父魯大夫客上客也禮欲尊一人以為客

羞鼈焉小

羞進也

睹父怒

怒鼈小也

相延食鼈

延進也衆賓相進以食鼈

辭曰將使鼈長

而後食之遂出

此睹父詞

文伯之母聞之怒曰吾聞之先

子

先子先舅季悼子也

曰祭養尸饗養上賓

言祭祀之禮尊養尸饗宴之禮養上

賓鼈於何有

於何有猶何禮有鼈也

而使夫人怒也遂逐之五

日魯大夫辭而復之

辭請也

公父文伯之母如季氏

如之也

康子在其朝

自其外朝也與

之言弗應從之及寢門弗應而入

入康子之家

康子辭於

朝而入見

辭其家臣入見姜

曰肥也不得聞命無乃罪乎

無得

有罪乎言與百官曰子弗聞乎天子及諸侯合民事於外朝

考合民事於外朝也合神事於內朝神事祭祀也內朝在路門內自卿以下

合官職於外朝外朝君之公朝合家事於內朝家大夫也內朝家朝也

寢門之內婦人治其業焉上下同之寢門正室之門上下天子以下

也夫外朝子將業君之官職焉內朝子將庀季氏之

政焉庀治也皆非吾所敢言也

公父文伯退朝朝其母其母方績文伯曰以歎之家

而主猶績言家有寵不當績也懼于季孫之怒也季孫康子也位尊又為大

宗其以歎為不能事主乎其母歎曰魯其亡乎使僮

子備官而未之聞邪僮僮蒙不達也言已居官而未聞道居吾語女居坐

也昔聖王之處民也擇瘠土而處之

為瘠

勞其民而

用之故長王天下

瘠土利薄又勞而用之使不淫逸不淫逸則向義故長王天下也

夫民勞則思思則善心生

民勞於事則思儉約故善心生

逸則淫淫

則忘善忘善則惡心生沃土之民不材淫也

沃肥美也

器能少也瘠土之民莫不嚮義勞也

善心生故嚮義也

是故天子

大采朝日與三公九卿祖識地德

禮天子以春分朝日示有尊也虞說

云大采藻織也祖習也識知也地德所以廣生昭謂禮王藻天子玄冕以朝日玄冕冕服之下則大采非

袞織也周禮王摺大圭執鎮圭藻五采五就以朝日則大采謂此也言天子與公卿因朝日以脩陽政而

習地德因夕月以治陰教而紂天刑日

日中考政與

百官之政事師尹惟旅牧相宣序民事

宣徧也序次也三君云師

尹大夫官也掌以美詔王惟陳也旅衆士也牧州牧也相國相也皆百官政事之所及也一曰師尹公也

詩曰赫赫師尹少采夕月與太史司載糾虔天刑夕月以秋分糾共也

虞尚也刑法也或云少采黼衣也昭謂朝日以五采則夕月其三采也載天文也司天文謂馮相氏保章

氏與太史相儷偶也此因夕月而日入監九御使潔共勅觀天法考行度以知妖祥也

奉禘郊之粢盛監視也九御九嬪之而後即安即就也

諸侯朝脩天子之業命命業事也晝考其國職夕省其

典刑典常也夜儻百工使無惰淫而後即安儻戒也工官也

也滔慢卿大夫朝考其職在公之官職晝講其庶政夕序其

業序次夜庀其家事而後即安庀治士朝而受業受事

於晝而講貫貫習也夕而習復復覆也夜而計過無憾而

朝

後卽安

憾恨也

凡此者

私之義

自庶人

以下明

而動晦而休

無日以息

也

王后親織玄紵

說云統冠之垂前後

皆昭謂統所以縣瑱

也

也

當耳

公侯之夫人

加之以紘

纒

既織紵又加之以紘

也

也

無綏者也

從下而上

不結纒冕上之覆也

卿之內子

爲大帶

卿之適妻曰

內子大帶纒

帶

命婦成祭服

祭服立衣纁裳

也

列士之妻

加之以

也

朝服

列士元士也

既成祭服又加之以朝服也

朝服天子之士皮弁素積諸侯之士立端委貌自

庶士以下皆衣其夫

庶士下士也

社而賦事烝而獻

功

社春分祭社也

事農桑之屬也冬

祭曰烝烝而獻五穀布帛之功也

男女效績

愆則

也

有辟古之制也

績功也

君子勞心

小人勞力

先王之

訓也

自上下下誰敢淫心舍力今我寡也爾又在下位

訓也

自上下下

誰敢淫心

舍力今我寡也

爾又在下位

也

也

也

自上下下

誰敢淫心

舍力今我寡也

爾又在下位

也

也

下位下大夫也朝夕處事猶恐忘先人之業於作事也況有怠

惰其何以避辟上言愆則有辟故言何以避辟吾冀而朝夕脩我曰必

無廢先人冀望也而汝也脩勞也爾今日胡不自安欲使我不

是承君之官余懼穆伯之絕祀也承奉也以是怠惰之心奉君官職無以避

辟將見誅絕也仲尼聞之曰弟子志之志識也季氏之婦不淫矣

公父文伯之母季康子之從祖叔母也祖父昆弟之妻康子

往焉闔門與之言闔開也門皆不踰闔閼閼門限也皆

不踰闔而出康子不踰闔而入傳曰婦人送近不出門見兄弟不踰闔是也祭悼子康子

與焉悼子穆伯之父也酹不受徹俎不宴禮祭主

賓酢主人不受酌姜不親受也宗不具不繹繹又祭祭畢徹俎又不與康子宴飲也唐尚

書云祭之明日也。昭謂天子諸侯曰：釋以祭之明日，卿大夫曰：賓尸與祭同日。此言釋者通言之也。賈侍中云：宗宗臣主祭祀之禮，不具謂宗臣不具在則謂姜不與釋也。釋不盡，飲則退。

飲宴安私飲也。昭謂立曰：飲坐曰：要言宗具則與釋。釋畢而飲不盡，飲禮而還，恐有醉飽之失，皆所以遠嫌也。仲尼聞之以為別於男女之禮矣。

公父文伯之母欲室文伯。

室妻也。

饗其宗老。

家臣稱老宗宗人主

禮樂者也。楚語曰：屈到嗜芰，有疾屬其宗老曰：祭我必以芰。而為賦綠衣之三章。綠衣詩邶風也。其三章曰：我思古人，實獲我心。以言古之賢人正其室家之道，我心所善也。

老請

守龜卜室之族。

守龜卜人，族姓也。

師亥聞之。

師亥魯樂師之賢者。

曰善。

哉男女之饗不及宗臣。

賈侍中云：男女之饗謂宴相饗食之禮不及宗臣。

昭謂即

上章所謂徹。粗不實是也。

宗室之謀不過宗人。

虞唐云：不過宗人則不與他姓議親。

親也昭謂此宗人則上宗臣也亦用同姓若漢宗正
用諸劉矣凡時男女之饗不及宗臣至於謀宗室之
事則不過宗臣故姜欲室文謀而不犯微而昭矣
伯而饗其宗老賦詩以成之也
不犯不犯禮也微詩所以合意歌所以詠詩也今詩
而昭詩以合意也

以合室歌以詠之度於法矣

合成也

公父文伯卒其母戒其妻曰吾聞之好內女死之好
外士死之今吾子夭死吾惡其以好內聞也二三婦
之辱共先祀者

辱自屈辱共奉先人之祀者

請無瘠色

毀瘠之色

無洵

涕

無聲涕出為洵涕也

無搢膺

搢叩也膺背也

無憂容有降服無加服

輕於禮為降重於禮為加

從禮而靜是昭吾子也仲尼聞之曰女

知莫如婦男知莫如夫

言處女之知不如丈夫童男之知不如丈夫

公父氏

之婦知也夫公父季氏之別也知也夫者凡婦人之

乃反割抑欲以明德此欲明其子之令德也

公父文伯之母朝哭穆伯而莫哭文伯服謂既練之

也比夫子之喪哭不相及終言仲尼聞之曰季氏之

婦可謂知禮矣愛而無私上下有章上下有章夫

吳伐越會稽會稽山名墜壞也吳王夫差敗越於

之在魯年獲骨焉節專車骨一節其長

吳子夫差也好且問之仲尼曰無以吾命賓發幣於

大夫及仲尼仲尼爵之發所齎幣於魯大夫次及既

徹俎而宴獻酢禮畢徹客執骨而問因折俎之骨曰

敢問骨何為大

凡骨何者為大

仲尼曰丘聞之昔禹致羣神

於會稽之山

羣神謂主山川之君為羣神之土故謂之神

防風氏後至禹

殺而戮之

防風汪芒氏之君名也違命後至故禹殺之陳尸為戮

其骨節專車

此為大矣客曰敢問誰守為神仲尼曰山川之靈足

以紀綱天下者其守為神

山川之守主為山川設者也足以紀綱天下謂名山

大川能興雲致雨以利天下也

社稷之守為公侯

封國立社稷而今守之是謂公侯也

皆屬於王者客曰防風氏何守也仲尼曰汪芒氏之

君也

汪芒長翟之國名

守封隅之山者也

封封山隅隅山在今吳郡永安縣

為漆姓

漆姓汪芒氏之姓也

在虞夏商為汪芒氏於周為長翟

周世其國北遷為長翟也

今為大人

今孔子時

客曰人長之極幾何仲

尼曰焦僥氏長三尺短之至也焦僥西南蠻之別名長者不過

十之數之極也十之三丈則防風氏也

仲尼在陳有隼集于陳侯之庭而死楛矢貫之石磬

其長尺有咫隼鷲鳥今之鷩也楛木名磬鏃也以石為之八寸曰咫楛矢貫之墜而死也

陳惠公使人以隼如仲尼之館問之惠公陳哀公之孫悼太子之子

吳也館仲尼所舍仲尼曰隼之來也遠矣此肅慎氏之矢也

肅慎北夷之國故隼來遠矣傳曰肅慎燕亳吾北土也昔武王克商通道于九

夷百蠻九夷東夷九國百蠻蠻有百邑也使各以其方賄來貢方賄各以

所居之方所出貨賄為貢也使無忘職業於是肅慎氏貢楛矢石

磬其長尺有咫先王欲昭其令德之致遠也以示後

人使永監焉

也 監視

故銘其楛曰肅慎氏之貢矢

銘刻曰楛

箭羽之

以分大姬配虞胡公而封諸陳

分予也 大姬武王元女 胡

公舜後 虞過父之

古者分同姓以珍玉展親也

展重也 玉

謂若夏后

分異姓以遠方之職貢使無忘服也故分

陳以肅慎氏之貢

陳媯姓也

君若使有司求諸故府其可

得也

故府舊府也

使求得之金櫝如之

櫝櫃也 金以金帶其外也 如之如孔子之言也

子之言也

齊閻丘來盟

閻丘齊大夫閻丘明也 初齊悼公在魯取季康子之妹及即位而逆之 季魴侯

通焉 女言其情不敢予也 齊侯怒伐魯魯與

子服景

伯戒宰人曰陷而入於恭

景伯魯大夫子服惠伯之孫昭伯之子子服何也宰

人吏人也陷猶失過也
如有失過寧近於恭也
閔馬父笑景伯問之
馬父魯大夫也

對曰笑吾子之大滿也
滿驕也
昔正考父校商之名頌

十二篇於周大師以那為首
正考父宋大夫孔子之先也名頌頌之美者也

大師樂官之長掌教詩樂
毛詩敍曰微子至于戴公其間禮樂廢壞有正考父者得商頌十二篇於周之

大師以那為首鄭司農云
自考父至孔子又七篇故餘五耳
其輯之亂
輯成也凡作篇章義既成撮其大要以為亂辭詩者歌也所以節舞者

也如今三節舞矣曲終乃更變章亂節故謂之亂

也曰自古在昔先民有作温恭朝夕執事有恪
恪敬也先

王稱之曰自古古曰在昔昔曰先民所作言先聖人行此恭勤之道久矣不敢言創之於已乃云受之於

先古也先聖王之傳恭猶不敢專稱曰自古古曰在昔

昔曰先民
此其不敢專也
今吾子之戒吏人曰陷而入於恭

其滿之甚也

驕為滿 恭為謙

周恭王能庇昭穆之闕而為恭

庇覆也 恭王周昭王之孫穆王之子也 昭王南征而不反 穆王欲肆其心 皆有闕失 言恭王能庇覆之故

也

楚恭王能知其過而為恭

恭王楚莊王之子也 知其過者有疾召大

夫曰不穀不德 覆亡楚國之師 若沒請為靈 若厲子囊曰君實恭可不謂恭乎 大夫從之

今吾子

之教官寮

唐云同官曰寮 昭謂此景伯之屬 下寮耳 非同官之寮也 同官謂位同者也 詩云我

雖異事及 爾同寮

曰陷而後恭道將何為

失道尚為恭如其 得道將何為乎

季康子欲以田賦

田賦以田出賦也 賈侍中云田一井也 周制十六井賦戎馬一匹牛

二頭一井之田而欲出十六井之賦也 昭謂此數甚多似非也 下雖云收田一井凡數從夫井起故云井

使冉有訪諸仲尼

冉有孔子弟子 冉求也 為季氏宰 康子欲加賦 使訪之也 仲

尼不對

以其非制也

私於冉有曰求來汝不聞乎先王制

土藉田以力而砥其遠邇

制土制其肥磽以爲差也藉田謂稅也以力謂三十

者受田百畝二十者受五十畝六十還田也砥平也

甸稍懸都皆無過十二也賦里以入而量其有無

里廛也謂商賈所居之區域也

以入計其利入多少而量其財業有無以爲差也任

力以夫而議其老幼

力謂衛役以夫以夫家爲數也

於是乎有鰥寡孤疾

又議其鰥寡孤疾而

有軍旅之

出則徭之無則已

也無軍旅之出則止不賦也

其歲

收田一井出稷禾秉芻缶米不是過也

其歲有軍旅之歲也缶庾

也聘禮曰十六斗曰庾十庾曰秉秉一百六十斗也四秉曰筥十筥曰稷稷六百四十斛也先王

以爲足

足供用也

若子季孫欲其法也則有周公之藉矣

藉田之法周
公所制也
子不聽魯哀十
二年春卒用田賦

若欲犯法則苟而賦又何訪焉

苟苟且
也時康

魯語下第五 國語

公書錄事判事不取對新開公分今有

樓外田田第

...

...

齊語第六 國語 韋氏解

相公自莒反于齊

相公齊大公之後僖公之子襄公之弟相公小白也初襄公立其政

無常鮑叔牙曰

亂將作矣奉公子小白出奔莒公孫

無知殺襄公而立管夷吾召忽奉公子糾奔魯齊人

殺無知逆子糾于魯魯嚴公不帥遣而盟以要之齊

大夫歸逆小白于莒嚴公伐齊納子糾相公自莒先

入使鮑叔爲宰

鮑叔齊大夫奴姓之後鮑勃辭曰臣

君之庸臣也

庸凡庸也

君加惠於臣使不凍餒則是君之

賜也若必治國家者則非臣之所能也若必治國家

者則管夷吾乎

管夷吾齊卿姬姓之後

臣之所不若

夷吾者五寬惠柔民弗若也

寬則得衆惠則足

治國

家不失其柄弗若也

柄本也

忠信可結於百姓弗若也

制禮義可法於四方弗若也執枹鼓立於軍門使百

姓加勇焉弗若也

軍門立旌爲門若今牙門矣加益也

相公曰夫管夷

吾射寡人中鉤是以濱於死

三君皆云濱近也管仲於子糾乾時之戰親

射桓公中鉤

鮑叔對曰夫爲其君動也

君子

君若宥而反

之夫猶是也

宥赦也猶是言爲君猶爲子糾也

相公曰若何

若何得還也

鮑子對曰請諸魯

是時桓公使鮑叔魯殺子糾召忽死之管仲不死

相公曰

施伯魯君之謀臣也

施伯魯大夫惠公之孫施父之子

夫知吾將用

之必不予我矣若之何鮑子對曰使人請諸魯曰寡

君有不令之臣在君之國欲以戮於羣臣故請之則

予我矣相公使請諸魯如鮑叔之言嚴公以問施伯

施伯對曰此非欲戮之也欲用其政也夫管子天下

之才也

才冠天下

所在之國則必得志於天下令彼在齊

則必長為魯國憂矣嚴公曰若何施伯對曰殺而以

其屍授之

授子齊使

嚴公將殺管仲齊使者請曰寡君欲

親以為戮

欲得生自戮之以逞射已之忿也

若不生得以戮於羣臣

猶未得請也

猶未得所請

請生之於是嚴公使束縛以予

齊使齊使受而以退比至三釁三浴之

以香塗身曰釁釁或為熏

桓公親逆之于郊

逆迎也郊近郊也

而與之坐問焉

還國曰與坐

曰

昔吾先君襄公築臺以為高位

居高臺以自尊

田狩畢弋

田獵

也狩圍守而取禽也畢掩雉兔之網也弋繳射也

不聽國政卑聖侮士而唯

女是崇

崇高也

九妃六嬪

唐尚書云九妃三國之女以姪娣從也昭謂正適稱妃言

九者尊之如一明其淫侈非禮制也禮姪娣之屬皆稱妾嬪婦官也

陳妾數百

陳列食也

必梁肉衣必文繡戎士凍餒戎車待游車之裂戎士

待陳妾之餘

戎車兵車游車游戲之車裂殘也

優笑在前賢材在後

優笑倡俳也

是以國家不日引

引申也

不月長

長益也

恐宗廟

之不埽除社稷之不血食敢問為此若何

為治也

管子

對曰昔吾先王昭王穆王世法文武遠績以成名

周管

子之先也績功也言昭王穆王雖有所闕猶能世法文王武王之典以成其功名也周語曰厲始董典言

至厲王乃變更文武之常典也

合羣突比校民之有道者

合會也突老也比比

方也校考合也謂考其德行道藝而興賢者

設象以為民紀

設象設教象之法於象魏

也周禮正月之吉縣治象於象魏使萬式權以相應

民觀焉挾日而斂之所以為民綱紀也

式用也權平也治政比綴以度連其夫家也度法也

用民使均平相應也

樽本肇末等其本以正其末也勸之以賞賜糾之以

刑罰也糾收班序顛毛以為民紀統頂也毛髮也統猶

經也言次列頂髮之白黑使長

幼有等以為治民之經紀也

子對曰昔者聖王之治天下也參其國而伍其鄙

也國郊以內也伍五也鄙郊以外也謂三分國都以為三軍五分其鄙以為五屬也聖王謂若湯武也

定民之居成民之事就官府饗就田野所以成其事也

也陵為之終而慎用其六柄焉

也陵為之終而慎用其六柄焉

相公曰成民之事若何管子對曰四民者勿使雜處

四民謂士農工商也雜處則其言唯其事易唯亂兒易變易也公曰處

士農工商若何管子對曰昔聖王之處士也使就閒

燕士講學道說者也處工就官府處商就市井處農

就田野令夫士羣萃而州處華集也州聚也閒燕則父與父

言義子與子言孝其事君者言敬其幼者言悌少而

習焉其心安焉不見異物而遷焉物事也遷移也是故其父

兄之教不肅而成肅疾也其子弟之學不勞而能夫是

故士之子恒爲士令夫工羣萃而州處審其四時言

時各有宜謂死辨其功苦辨別也功牢權節其用權

士凝釋之時也也論比協材論擇也比比其善惡節節其大小輕重也也協和也和其剛柔

也

且莫從事施於四方

施其物用於四方也

以飭其子弟

飭教也

相語以事相示以巧相陳以功

陳亦示也功成功也功善則有賞

少

而習焉其心安焉不見異物而遷焉是故其父兄之

教不肅而成其子弟之學不勞而能夫是故工之子

恒爲工令夫商羣萃而州處察其四時

四時所用者豫資之也

而監其鄉之資

監視也資財也視其貴賤有無

以知其市之賈負任

儋

背曰負肩曰儋任抱也何揭也

服牛輶馬

服牛車也輶馬車也詩云皖彼牽牛不以

服以周四方

周徧也

以其所有易其所無市賤鬻貴

取市

也鬻也

且莫從事於此以飭其子弟相語以利相示以

賴

賴贏也相陳以知賈少而習焉其心安焉不見異物

而遷焉是故其父兄之教不肅而成其子弟之學不

勞而能夫是故商之子恒爲商令夫農羣萃而州處

察其四時

四時樹藝各有宜也

權節其用耒耜枷芟

權平也平節其器用

小大倨句之宜也

所以抑拂也所以

及寒擊藁除田

寒謂季冬

大寒之時也

以待時耕

時耕謂立春之後

及耕深耕而疾耰

之以待時雨

疾速也援摩平也

時雨旣至挾其槍刈

耨鍤

在掖曰挾槍耨也刈鍤也耨茲其也鍤鉏也

以旦莫從事於田野脫

衣就功首戴茅蒲身衣襍裊

脫解也茅蒲簦笠也襍裊裝薛衣也茅或作萌

萌竹萌之皮

霑體塗足

霑濡也

暴其髮膚盡其四支之

敵敵猶

以從事於田野少而習焉其心安焉不見異

物而遷焉是故其父兄之教不肅而成其子弟之學

不勞而能夫是故農之子恒爲農野處而不暱暱近也

其秀民之能爲士者必足賴也秀民民之秀出者也賴恃也有司

見而不以告其罪五有司掌民之官也五罪在五刑也有司已於事

而竣已畢也竣伏退也相公曰定民之居若何管子對曰制

國以爲二十一鄉唐尚書云四民之所居也昭謂國都城郭之域也唯士工商而已

農不在焉相公曰善管子於是制國以爲二十一鄉二千

一鄉二千一鄉凡四萬二千工商之鄉六工商各三

家此管子所制非周法也從戎士鄉十五唐尚書云士與農共十五鄉昭謂此

軍農野處而不暱不在都邑公帥五鄉焉五鄉萬人是爲三

之數則下所云伍鄙是也

公所帥也 國子帥五鄉焉 高子帥五鄉焉 國子高子皆齊

為左右 參國起案以為三官 參三也 案界也 分 臣立

軍也 三宰 三宰三卿也 工立三族 族屬也 晉瓶盾為旄車

則各市立三鄉 市商也 商處澤立三虞 周禮有澤虞

三也 掌度知川澤之大 山立三衡 周禮有山虞林衡之相

小及所生育者 公曰吾欲從事於諸侯其可乎 欲行伯道 管子對曰

未可 國未安 相公曰安國若何 管子對曰脩舊法 王伯

之法 擇其善者而業用之 業猶創也 遂滋民與無財 遂育也

貧無財者 振業之也 而敬百姓則國安矣 相公曰諾 遂脩舊法

擇其善者而業用之 遂滋民與無財而敬百姓 國既

安矣桓公曰國安矣其可乎管子對曰未可君若正

卒伍脩甲兵

周禮五人爲伍百人爲卒今管子亦以五人爲伍而以二百人爲卒

則大

國亦將正卒伍脩甲兵則難以速得志矣君有攻伐

之器小國諸侯有守禦之備則難以速得志矣君若

欲速得志於天下諸侯則事可以隱令可以寄政

事

事也隱匿也寄託也匿軍令託於國政若有征伐鄰國不知也

桓公曰爲之若何管

子對曰作內政而寄軍令焉

內政國政也因治政以寄軍令也

桓公

曰善管子於是制國五家爲軌軌爲之長

軌中一人爲之長也

十軌爲里里有司

爲立有司

四里爲連連爲之長十連爲

鄉鄉有良人焉

賈侍中云良人鄉士也昭謂良人鄉大夫也

以爲軍令

爲軍

掌五家爲軌故五人爲伍軌長帥之居則爲軌出則爲伍所謂寄政

也十軌爲里故五十人爲小戎里有司帥之小戎兵車也此

有司之所乘故曰小戎詩云小戎伐伐收古者戎車一乘步卒七十二人今齊五十人四里爲連

故二百人爲卒連長帥之十連爲鄉故二千人爲旅

鄉良人帥之五鄉一帥故萬人爲一軍五鄉之帥帥

之五鄉每一軍爲五鄉也鄉帥鄉也萬人爲軍齊制也周則萬二千五百人爲軍帥長也三軍

故有中軍之鼓有國子之鼓有高子之鼓春以狻振

旅春田曰狻振整也旅衆也周禮仲春教振旅遂以狻田也秋以獮治兵秋田曰獮周禮

仲秋教治兵遂以獮田也是故卒伍整於里軍旅整於郊內教既

成令勿使遷徙遷徙猶改更也伍之人祭祀同福死喪同恤

恤憂也

禍災共之人與人相疇家與家相疇

疇匹也

世同

居少同游故夜戰聲相聞足以不乖晝戰目相視足

以相識其歡欣足以相死

致死以相救也

居同樂行同和死

同哀是故守則同固戰則同彊君有此士也三萬人

以方行於天下

方猶橫也

以誅無道以屏周室

屏猶蕃也

天下

大國之君莫之能禦也

禦當也

正月之朝鄉長復事

鄉長鄉大夫也復白也周禮正月之吉鄉大夫受法于司徒退

班于鄉吏以考其行

君親問焉曰於子之鄉有居處好學慈孝

於父母聰慧質仁

慧解瞭也質性也

發聞於鄉里者有則以

告有而不以告謂之蔽明其罪五有司已於事而竣

峻退伏也

桓公又問焉曰於子之鄉有拳勇股肱之力秀

出於衆者

臚本曰股肱臂也大勇為拳詩云無拳無勇

有則以告有而不

以告謂之蔽賢其罪五有司已於事而竣桓公又問

焉曰於子之鄉有不慈孝於父母不長弟於鄉里驕

躁淫暴不用上令者

上君長也

有則以告有而不以告謂

之下比

比阿黨也

其罪五有司已於事而竣是故鄉長退

而脩德進賢桓公親見之遂使役官

役為也

桓公令官

長期而書伐

官長官也期期年也伐功也書其所掌在官有功者也

以告且

選選其官之賢者而復用之

復白也

曰有人居我官有

功休德

休美也

惟慎端慤以待時使民以勸綏謗言

待時

動不違時也綏止也

足以補官之不善政

謂前有闕者

相公召而與

之語嘗相其質

嘗量也相視也

足以比成事

比輔也足以輔其官成其事也

誠可立而授之

言可以立為大官而授之事也

設之以國家之患而

不疚

患難也疚病也豫設以其國家之患難以問之不病不罷也

退問其鄉以觀

其所能而無大厲

問其鄉本其行能也厲惡也

外以為上卿之贊

贊佐也謂之三選

三選謂鄉長所進官長所選公所嘗相也

國子高子退而

脩鄉鄉退而脩連連退而脩里里退而脩軌軌退而

脩伍伍退而脩家是故匹夫有善可得而舉也匹夫

有不善可得而誅也政既成鄉不越長

鄉里以齒長幼不相踰也

朝不越爵

賢不肖之貴不相越也

罷士無伍

罷病也無行曰罷無伍無與為伍也

周禮大司寇以國土聚族罷民罷女無家夫稱家也夫是故民皆勉爲善

與其爲善於鄉也不如爲善於里與其爲善於里也

不如爲善於家本其事行也是故士莫敢言一朝之便皆

有終歲之計莫敢以終歲之議皆有終身之功相公

曰伍鄙若何管子內政既備故後問伍鄙之事管子對曰

相地而衰征則民不移相視也衰差也現土地之美惡及所生出以差征賦之輕

重也移政不旅舊則民不偷舊君之故舊也偷苟且徒也

民相與不苟且也孔子曰故舊不遺則民不偷謂時山澤各致其時則民不苟

漸虞之官禁令各順其時則民之心不苟得也陸阜陵墔井田疇均則民不

憾夫高平曰陸大陵曰阜大阜曰陵墔溝上之道也九夫爲井井間有溝穀地曰田麻地曰疇均平也憾

也恨無奪民時則百姓富犧牲不略則牛羊遂略奪也遂長也

相公曰定民之居若何管子對曰制鄙三十家為邑

邑有司制野鄙之政也此以下與郊內之政異也十邑為卒卒有卒帥十

卒為鄉鄉有鄉帥三鄉為縣縣有縣帥十縣為屬屬

有大夫五屬故立五大夫各使治一屬焉五屬四十萬家

立五正正長也各使聽一屬焉是故正之政聽屬正五也

聽大夫聽大夫之治也牧政聽縣牧五屬大夫也聽縣帥之治下政聽鄉下政縣帥也聽

鄉帥鄉帥之治也相公曰各保治爾所無或淫怠而不聽治者

正月之朝五屬大夫復事相公擇是寡功者而謫之

謫謹責也曰制地分民如一何故獨寡功教不善則政不

治治理也

一再則宥

宥寬也

三則不赦相公又親問焉曰

於子之屬有居處爲義好學慈孝於父母聰慧質仁發聞於鄉里者有則以告有而不以告謂之蔽明其罪五有司已於事而竣相公又問焉曰於子之屬有拳勇股肱之力秀出於衆者有則以告有而不以告謂之蔽賢其罪五有司已於事而竣相公又問焉曰於子之屬有不慈孝於父母不長弟於鄉里驕躁淫暴不用上令者有則以告有而不以告謂之下比其罪五有司已於事而竣五屬大夫於是退而脩屬屬退而脩縣縣退而脩鄉鄉退而脩卒卒退而脩邑邑

退而脩家是故匹夫有善可得而舉也匹夫有不善
可得而誅也政既成以守則固以征則疆

桓公曰吾欲從事於諸侯其可乎管子對曰未可鄰國未

吾親也君若欲從事於天下諸侯則親鄰國鄰國親足以為援不然將

為已害難以遠征也桓公曰若何管子對曰審吾疆場而反其

侵地審正也反還也侵地齊所侵取鄰國之地正其封疆無受其資積土為封

資資財也而重為之皮幣以驟聘覲於諸侯覲視也以安四

鄰則四鄰之國親我矣為游士八十人州十人齊居一州爾雅曰

齊曰奉之以車馬衣裘多其資幣使周游於四方以

號召天下之賢士皮幣玩好使人嚮之四方玩好人所玩弄

而好也以監其上下之所好監觀也觀其所好則知

齎賣也奢賤則其國儉擇其淫亂者而先征之桓公問曰夫

軍令則寄諸內政矣齊國寡甲兵為之若何甲鎧也

之屬管子對曰輕過而移諸甲兵諸之也移之甲兵謂

罪桓公曰為之若何管子對曰制重罪贖以犀甲一

戟重罪死刑也犀犀皮也可用輕罪贖以鞮盾一戟

輕罪剗刑之屬也鞮盾綴革有文如績也小罪適以金分小罪不入於五

分兩之差今之罰金是也書曰金作贖刑宥閒罪宥赦也閒罪刑罰之疑

救索訟者三禁而不可上下坐成以束矢索求也束

也三禁禁之三曰使審實其辭也而不可上下者辭

定不可移也坐成獄訟之坐已成也十二矢為束刑

訟者坐成以東矢入於朝乃聽其訟兩人訟一人入

矢一人不入則曲曲則伏入兩矢乃治之矢取往而不

訟入東矢於朝然後聽之美金以鑄劍戟鑄冶也試諸

狗馬狗馬難為利者惡金以鑄鉏夷斤惡靡也夷平也斤形

似鉏而小橋斫也試諸壤土甲兵大足相公曰吾欲南伐何

主主主人供軍用也管子對曰以魯為主反其侵地堂潛堂

魯二邑也使海於有蔽渠弭於有渚賈侍中云海海濱也

弭裨海也水中可居者曰渚昭謂言有蔽言可依蔽也渠環山於有牢環

有此乃可以為主人軍必依險阻也相公曰吾欲西伐何主管

也牢牛羊豕也言雖山險皆有牢救一曰牢固也子對曰以衛為主反其侵地臺原姑與漆里衛之四邑使

海於有蔽渠弭於有渚環山於有牢相公曰吾欲北

伐何主管子對曰以燕為主

燕今漁陽薊縣

反其侵地柴夫

吠狗

燕之二邑

使海於有蔽渠弭於有渚環山於有牢四

鄰大親既反侵地正封疆地南至于餉陰

餉陰地名齊南界也

西至于濟北至于河東至于紀鄗

紀故紀侯之國鄗紀季之邑以入於

齊者有革車八百乘

賈侍中云謂一國之賦八百乘也乘七十五人凡甲士六萬人

此周制耳齊法五十人為小戎車八百乘有四萬人又上管仲制齊為三軍軍萬人下又曰君有是士三

萬人以上方行於天下而車數多者其副貳陪從之車乎或者八當為六

擇天下之甚淫

亂者而先征之即位數年東南多有淫亂者萊莒徐

夷吳越

萊今東萊莒琅邪縣徐夷徐州之夷也

一戰帥服三十一國遂

南征伐楚濟汝踰方城望汶山

濟度也汝水名方城楚北之阨塞也謂師

至于陞時也在魯僖
四年汶山楚山也

使貢絲于周而反荊州諸侯莫

不來服遂北伐山戎

山戎今之鮮卑以其病燕故伐之

荆令支斬孤

竹而南歸

二國山戎之與也刺擊也斬伐也今海濱支今為縣屬遼西孤竹之域存焉

海濱

諸侯莫不來服

北海濱海也

與諸侯飾牲為載以約誓于

上下庶神

飾牲陳其牲為載書加于牲上而已不歆血也

與諸侯勦力同心

勦并也

西征攘白翟之地

攘卻也白翟赤翟之別種

至于西河

西河曰翟

之方舟設泝乘桴濟河

方併也編木曰泝小泝曰桴濟度也

至于石抗

石抗晉地名

縣車東馬踰大行與辟耳之谿拘夏

大行辟耳山名

拘夏辟耳之谿也三者皆山險谿谷故縣鈞其車偏束其馬而以度也

西服杯沙西吳

流沙西吳離州之地

南城周

城王城也周襄王庶弟子帶作亂與戎伐襄王焚其東門不克桓公

使仲孫湫徵諸侯戎周而反胙于絳說云胙賜也謂天子致祭胙賞

城之事在魯僖十三年天子復使宰孔致之賈

以大路龍旂相公於絳辭之天子復使宰孔致之賈

侍中云反復也胙位也絳晉國都也晉蘇公卒奚齊

車子死國絕無嗣晉侯失其胙位相公以諸侯討晉

至高粱使驪朋帥師立公子夷吾復之於絳是為惠

公事在魯僖九年昭謂人君即位謂之踐胙此言相

公城周尊事天子又討晉亂復其胙位善之也按內

傳宰孔於葵丘致胙肉賜命無辭嶽濱諸侯莫不來

讓反覆之文賈君得之唐從賈也嶽嶽濱諸侯莫不來

嶽北嶽常山也

而大朝諸侯於陽穀

陽穀之會在魯僖三年

兵車之

屬六乘車之會三

屬亦會也兵車之會謂魯莊十三年會于北杏十四年會于鄆十五

年復會于鄆魯僖元年會于榿十三年會于鹹十六

年會于淮也乘車之會在僖三年會于陽穀五年會

于首止九年會于葵丘凡九也諸侯甲不解纍纍所以蔽甲也兵不解駢駢所以蔽兵也弣無弓服無

矢弣弓衣服矢服也隱武事行文道帥諸侯而朝天

子

謂首止之會會王太子而謀寧周也

葵丘之會天子使宰孔致胙于

栢公

天子周襄王也宰孔宰周公也胙祭肉也

曰余一人之命有事于文

武

事祭

使孔致胙且有後命

且猶復也

曰以爾自卑勞實

謂爾伯舅無下拜

天子稱王官之伯異姓曰伯舅無下拜無下堂拜賜也

栢公

召管子而謀管子對曰為君不君為臣不臣亂之本

也栢公懼出見客

客宰孔也

曰天威不遠顔咫尺

遠遠也顔眉目

之間八寸曰咫

小白余敢承天子之命曰爾無下拜

承受也恐

隕越于下以為天子羞

隕墜也

遂下拜升受命賞服

大路龍旂九旒渠門赤旂

唐尚書云大路王路非也賈侍中云大路諸侯朝服

之車謂金路鉤樊纓九就龍旂九旒也渠門亦旗名赤旂大旂也昭謂龍旂畫文龍於綵也正幅為綵旁

屬為旒鉤婁頷之鉤旒馬大帶纓當背削革為之皆以五采屬飾之九就就成也渠門兩旗所建以為軍

門若今諸侯稱順焉言下拜順於禮也相公憂天下諸侯魯

有夫人慶父之亂夫人魯莊夫人哀姜也慶父莊公之弟共仲也通于哀姜哀姜欲立

之莊公薨慶父殺大子般在莊三十二年又弑閔公在閔二年二君殺死國絕無嗣

相公聞之使高子存之高子齊卿高侯劬仲也存之謂立僖公而成魯也翟

人攻邢相公築夷儀以封之邢姬姓周公之後也夷儀邢邑也翟人攻邢在

莊三十二年封而男女不淫牛馬選具淫見淫略也選數也翟

人攻衛衛人出廬于曹廬寄也翟人攻衛殺懿公遂入衛衛人出走宋相公逆之

河以衛之餘民立公孫申以寄于曹是為戴公在魯閔二年相公城楚丘以封之

楚丘衛地相公遷其國其畜散而無育畜六畜也散謂失亡也育

養桓公與之繫馬三百繫馬良馬在開也非放牧者也天下諸侯稱

仁焉於是天下諸侯知桓公之為已動也動謂救患分灾也

是故諸侯歸之譬若市人桓公知諸侯之歸已也故

使輕其幣而重其禮幣贊幣也禮酬賓之禮也故天下諸侯罷馬

以為幣罷不用也縷纂以為奉奉藉也所以藉玉之藻也縷纂以縷

織纂不用絲取易共也纂織文也鹿皮四个个枚也諸侯之使垂橐而

入垂言空而來也橐發也捆載而歸言重而歸也捆綯也故拘之以利結

之以信示之以武故天下小國諸侯既許桓公許謂

盟莫之敢背就其利而信其仁畏其武桓公知天下

諸侯多與已也與從也故又大施忠焉施其忠信可為動者

為之動可為謀者為之謀軍譚遂而不有也諸侯稱

寬焉

軍謂以軍滅之也不有以分諸侯也桓公奔莒過譚譚子不禮入又不賀北杏之會遂人不至

故皆滅之在魯莊十年及十三年

通齊國之魚鹽于東萊

言通者則先時禁之

矣東萊齊東萊夷也

使關市幾而不征

幾幾異服讓異言也征稅也取魚鹽者不征稅

所以利諸侯致遠物也

以為諸侯利諸侯稱廣焉

施惠也築葵茲

晏負夏領釜丘

四者皆阨塞與山戎眾翟接者

以禦戎翟之地所以

禁暴於諸侯也

禁暴禁其暴掠於諸侯

築五鹿中牟蓋與牡丘

四塞諸夏之閑也

以衛諸夏之地

衛蔽所以示權於中國也

教大成定三革隱五刃

定奠也隱藏也三革甲冑盾也五刃刀劍矛戟矢也說云

三革甲冑鼓非也兵事息則禮樂興焉得廢鼓也

朝服以濟河而無怵惕焉

西行度河以平晉也

文事勝矣

勝舉也

是故大國慙愧小國附協

唯能用管夷吾甯戚隰朋賓胥無鮑叔牙之屬而伯

功立

五子皆齊卿大夫也隰朋齊莊公之曾孫戴仲之子成子也

齊語第六

國語

Blank columns with faint vertical lines, likely representing a table or a grid.

文事無矣
大國漢野小國
...

晉語第七

國語

韋氏解

武公伐翼殺哀侯

武公曲沃相叔之孫嚴伯之子武公稱也翼晉國都也哀侯晉昭侯

之孫鄂侯之子哀侯光也初昭侯分國以封叔父相叔為曲沃伯曲沃盛疆昭侯微弱六年晉潘父殺昭

侯而納相叔不克晉人立昭侯之子孝侯嚴伯殺孝侯翼人立其弟鄂侯鄂侯生哀侯魯相三年曲沃武

公伐翼殺哀侯後竟滅翼侯之後而兼之魯嚴十

六年王使虢公命武公以

一軍為晉侯遂為背祖止

藥共子曰苟無死

藥共子晉哀侯大夫共叔成也初相叔為曲沃伯共子之父藥賓傳

之故止共子使無死也

吾以子見天子令子為上卿制晉國之

政上卿執政命於天子者也

辭曰成聞之民生於三事之如一君

父師也如一服勤至死也父生之師教之君食之

食謂非父不生

非食不長非教不知生之族也故壹事之族類也壹

如也唯其所在則致死焉在君父為君父在師為師報生以死報

賜以力人之道也賜惠也以力臣敢以私利廢人之

道私利謂不君何以訓矣無以教且君知成之從也

未知其待於曲沃也君武公也言君知成將死其君

不死而待君於從君而貳君焉用之貳二遂鬪而死

獻公卜伐驪戎獻公晉武公之子獻公詭諸也驪戎

姓也秦曰驪邑漢高帝徙豐史蘇占之史蘇晉大夫

曰勝而不吉公曰何謂也對曰遇兆挾以銜骨齒牙

為猾遇見也挾猶會也骨所以鯁刺人也猾弄也齒

牙謂非端左右鬻折有似齒牙中有從畫故銜戎夏交梓非

骨在口中齒牙弄之以象饒口之為害也

也禮卜卜師作龜大夫占色史占墨也

二畫外象戎內象諸夏夏謂晉也
北端會齒牙交有似猝猝交對也
交猝是交勝也臣

故云

言晉勝戎
戎復勝晉

且懼有口

齒牙銜骨
皆在口也

懼民國移心焉

也

公曰何口之有口在寡人寡人弗受誰敢興之

對曰苟可以懼其入也必甘受逞而不知胡可壅也

何胡

也逞快也壅防也甘言入耳心以
爲快而不知其惡何可防止也

公不聽遂伐驪戎

克之

克勝也

獲驪姬以歸有寵立以爲夫人

驪姬驪戎
君之女也

公飲大夫酒令司正實爵與史蘇

司正實主之
禮者也實滿也

曰

飲而無肴

肴俎
實也

夫驪戎之役女曰勝而不吉故賞女以

爵罰女以無肴克國得妃其有吉孰大焉史蘇卒爵

也卒盡

再拜稽首曰北有之臣不敢蔽蔽非之紀失臣

之官紀經也失官有二臯焉何以事君二臯蔽非失官也大

罰將及不唯無肴及至也蔽非失官則有大罰非但無肴也抑君亦樂其

吉而備其凶凶之無有備之何害若其有之備之為

瘳瘳差也臣之不信國之福也不信也何敢憚罰憚難也

飲酒出史蘇告大夫曰夫有男戎必有女戎戎兵也女兵言

其禍猶兵也若晉以男戎勝戎而戎亦必以女戎勝晉其

若之何里克曰何如里克晉大夫史蘇曰昔夏桀伐有

施有施人以妹喜女焉桀禹十七世后臯之孫惠王之子夏癸也有施喜姓之國

妹喜其女也以女進人曰女妹喜有寵於是乎與伊尹比而亡夏

伊尹湯相伊摯也自夏適殷比比功也伊尹欲亡夏妹喜為之作禍其功同也殷辛伐有蘇

有蘇氏以妲己女焉

紂辛湯三十一世帝乙之子紂紂也有蘇己姓之國妲己其女

也妲己有寵於是乎與膠鬲比而亡殷

膠鬲殷賢臣也自殷適周

佐武王以亡殷也

周幽王伐有褒有褒人以褒姒女焉

幽王宣王

之子幽王宮涅也褒姒姓之國幽王伐之褒人以美女入謂之褒姒是爲幽后也

褒姒有寵

生伯服

伯服搆王也

於是乎與虢石甫比

石甫虢公名鄰語曰石甫讒諂巧佞

之人也而立以爲卿士

逐天子宜咎

宜咎申后之子平王名也

而立伯服大

子出奔申

申姜姓之國平王母家

申人繒人召西戎以伐周周

於是乎亡

繒姒姓禹後也繒及西戎素與申國婚姻同好幽王欲殺宜咎以成伯服求之於申

申人弗予遂伐之故申繒召西戎以伐周殺幽王於戲

今晉寡德而安俘女軍

又增其寵雖當三季之王不亦可乎

季末也三季王桀紂幽王

也且其兆云挾以銜骨齒牙為猾我卜伐驪龜往離

散以應我

應答也往令告龜辭往

夫若是賊之兆也

非吾宅也

賊敗國家之兆也宅居也非吾所安居也

離則有之國分不離也

跨其國可謂挾乎

跨猶據也言驪姬不據有晉國可謂內外挾乎

不得其君

能銜骨乎

言驪姬不得志於其君不能銜骨以害人也

若跨其國而得其

君雖逢齒牙以猾其中其誰云弗從

言驪姬若能跨據晉國而得志

於君齒牙之猾雖為中害國人逢之誰有不從言必從也

諸夏從戎非敗而何從

政者不可以不戒亡無日矣郭偃曰夫三季王之亡

也宜

郭偃晉大夫卜偃也宜言其惑亂取亡皆其宜也

民之主也縱惑不疚

疚病也縱其淫惑不以為病也

肆侈不違

肆極也極其汰侈無所違避也

流志而行

流放無所不疚無一處不是以及亡而不獲追鑑鑑

也言不得復追鑿前今晉國之方偏矣也方大也偏

世善敗以為戒也傳曰今晉甸侯是其土又小季王於大國在側謂大國

齊雖欲縱惑未獲專也專擅大家鄰國將師保之大

上卿也師保之多而驟立不其集亡驟數也雖驟立

不過五矣且夫口三五之門也口所以紀三辰宣是

以讒口之亂不過三五少則三五君且夫挾小鯁也可

以小戕而不能喪國害在內為戕戕猶傷也喪云也

也當之者戕焉於晉何害無大雖謂之

挾而猾以齒牙口弗堪也堪猶勝也言骨在口而猾

以齒牙口不能勝也論不

能終其與幾何言不晉國懼則甚矣云猶未也商之

害也衰謂帝其銘有之刻器曰銘謂曰嗛嗛之德不

足就也嗛嗛猶小小也不可以矜而祇取憂也矜

適也祇嗛嗛之食不足狃也食祿也不能為膏而祇離

咎也膏肥雖驪之亂其離咎而已其何能服驪驪姬

而已其後二子殺死身為里克吾聞以亂得聚者

所殺是也何能服何能服人也非人

也非謀不卒時卒盡也三月一時非有善謀非人不

免難非得人眾不能自免非禮不終年非有禮法不

懿公商人是也賈虞云十年而數終唐非義不盡齒

齒年壽也非有義刑不能盡其年壽楚非德不及世

靈王滅陳蔡用隱太子於岡山是也

世嗣也非有德惠不能及
世嗣晉惠公夷吾是也
非天不離數雖歷也非有天命佑助不

能歷數長久若齊桓晉文天假之
年而除其害子孫繼業神所命也
今不據其安不可

謂能謀據居也言驪姬之謀不居安
存而處危亡不可謂能謀也
行之以齒牙不

可謂得人行齒牙之猾以害人
廢國而向已不可謂

禮廢國謂盡害羣公子也
國向已不可謂知禮也
不度而迂求不可謂義

迂邪也不度利害之本而以邪
奪正不可謂得其義義宜也
以寵賈怨不可謂德

賈市也言恃寵愛以市
怨於國不可謂有德也
少族而多敵不可謂天少族類

少也多敵多怨也
德義不行禮義不則賈怨無德迂

義不行求非義故德
則法也棄人失謀天亦不贊行之以齒牙為棄人不

敵故天不贊贊助也
吾觀君夫人也若為亂其猶隸農也隸今

徒

也 雖獲沃田而勤易之沃美也將弗克饗爲人而已

饗食也 爲人 爲它人取也士蒞曰戒莫如豫豫而後給士蒞晉大

後隰叔之子子與也豫備也夫子戒也夫子郭偃之抑

二大夫之言其皆有焉二大夫史 蘇郭偃也既驪姬不克不能

晉正於秦五立而後平正者謂秦所輔正大家鄰國 將師保之是也 謂以兵納惠

公文公殺呂卻之屬也五立謂奚 齊卓子惠公懷公至文公乃平

獻公伐驪戎克之滅驪子驪子驪戎之君本爵男 此云子者猶言男子也獲

驪姬以歸立以爲夫人生奚齊其娣生卓子女子同 生謂後

生爲娣於男 則言妹也驪姬請使申生處曲沃以速縣申生獻 公太子

恭君也獻公娶于賈無子烝于齊姜生申生曲沃 宗邑今河東聞喜是也虞御史云速疾也縣緘也

重耳處蒲城夷吾處屈

重耳夷吾申生異母弟蒲奚今蒲坂屈北屈皆在河東

齊處絳

晉時都絳也

以備無辱之故

言出此三子為鎮於外以備於戎程無

取辱於國

公許之史蘇朝告大夫曰二三大夫其戒之乎

亂本生矣日君以驪姬為夫人民之疾心固皆至矣

日昔日也疾疾其君也至深也

昔者之伐也起百姓以為百姓也

昔者

謂古明王也為百姓為百姓除害也

是以民能欣之

欣欣戴也

故莫不盡忠

極勞以致死今君起百姓以自封也

封厚也

民外不得

其利

不得攻伐之利

而內惡其貪則上下既有判矣

判離也

然

而又生男其天道也天彊其毒民疾其態其亂生哉

吾聞君子好好而惡惡樂樂而安安是以能有常

好者

好之惡者惡之樂則說之安則居之故能有常以言獻公好惡安樂皆非其所也 伐木不自

其本必復生塞水不自其源必復流滅禍不自其基

必復亂也基始也今君滅其父而畜其子禍之基也畜其

子又從其欲子思報父之恥而信其欲信古雖好色

必惡心不可謂好也好美也好其色必授之情情謂許

得其情以厚其欲也厚益也從其惡心必敗國且深亂亂

必自女戎深亂亂深也三代皆然驪姬果作難殺大

子而逐二公子二公子謂重耳君子曰知難本矣難知

本謂

驪姬生奚齊其娣生卓子公將黜大子申生黜廢而

也

立奚齊里克丕鄭荀息相見里克曰夫史蘇之言將

及矣其若之何荀息曰吾聞事君者竭力以役事不

聞違命竭盡也君立臣從何貳之有君立嗣臣則從而奉之貳二心

也丕鄭曰吾聞事君者從其義不阿其惑也阿隨也惑

則誤民民誤失德是棄民也言民失德陷於刑辟是棄之也民之有

君以治義也上下之義義以生利利以豐民有義則利生豐厚也若

之何其民之與處而棄之也必立大子里克曰我不

佞雖不識義亦不阿惑吾其靜也靜默也三大夫乃別

烝于武公烝冬祭也武公獻公稱疾不祭而使奚齊

事涖臨也稱疾不祭而使奚齊者欲調羣臣使知己意猛足乃言於大子曰足猛

事齊者欲調羣臣使知己意猛足乃言於大子曰足猛

大子伯氏不出奚齊在廟賈唐皆云伯氏申生也一

孤突未杜門故以伯氏為子盍圖乎圖所以大子曰

吾聞之羊舌大夫羊舌大夫羊曰事君以敬事父以

孝受命不遷為敬遷徙敬順所安為孝敬順敬順棄

命不敬言公命我守曲佞作令不孝作令謂擅發又

何圖焉且夫聞父之愛而嘉其況有不忠焉開離也

廢人以自成有不貞焉孝敬忠貞君父之所安也猶安

善也棄安而圖遠於孝矣吾其止也

獻公田見翟祖之氛田獵也翟祖國名氛禳歸寢不

寐欲伐翟祖郤叔虎朝公語之語以寢不寐也郤叔

卸豹也對曰牀第之不安邪第簧也抑驪姬之不存側邪

公辭焉出遇士蔦曰今夕君不寐必為翟祖也君意也

祖也夫翟祖之君好專利而不知忌難也其臣競諂以求

媚其進者壅塞其臣競諂故進者則壅塞其上使不聞過也其退者距違

其退去者則距違其君也其上貪以忍忍忍為不義也其下偷以幸偷苟且幸

傲幸也有縱君而無諫臣縱放也有冒上而無忠下冒抵也

貪也君臣上下各厭其私以縱其回厭足也民各有心

無所據依據杖也以是處國不亦難乎君若伐之可克

也吾不言子必言之不言讓其上也士蔦以告公說乃伐翟

祖卻叔虎將乘城乘升也其徒曰棄政而役非其任也

政猶職也役
服戎役也
卻叔虎曰既無老謀而又無壯事何以

事君壯事力役也言己無謀又取無功也
被羽先升遂克之於背若今

軍將負

公之優曰施通於驪姬優俳也施其名
驪姬問焉曰吾

欲作大事大事廢適立庶也
而難三公子之徒如何三公子

耳夷對曰蚤處之使其極處定也極至也當蚤定

吾也對曰蚤處之使其極
申生分之都城而位以

卿使自知其位所極至也夫人知有極鮮有慢心
鮮寔也言人自

不敢違慢雖其慢乃易殘也
言有官任而違驪姬曰

吾欲為難安始而可難謂欲殺三
優施曰必於申生

其為人也小心精潔小心多畏忌精
而大志重大也

重博

又不忍人

不忍施惡於人

精潔易辱重債可疾

債僵也俾重者

守節不易其情則可疾斃僵也

不忍人必自忍也

自忍忍能自殺也

辱之近

行辱謂被以不義

驪姬曰重無乃難遷乎

遷移也

優施曰知辱

可辱可辱遷重

言知辱者雖重必移

若不知辱亦必不知固秉

常矣

不知無所知也秉執也固執常謀因罪以去之

今子內固而外寵

內固內得

君心外寵外見寵愛也

且善不莫不信

所善惡無不見信也

若外單善而

內辱之無不遷矣

單盡也外盡善意待大子而內以不義加辱之則其心無不移也

且吾聞之甚精必愚

精銳近愚

精為易辱愚不知避難雖

欲無遷其得之乎是故先施讒於申生

驪姬賂二五使言於公

賂遺也二五獻公嬖大曰夫夫梁五與東關五也

曲沃君之宗也

宗本宗也曲沃桓叔之封先公宗廟在焉猶西周謂之宗周也

蒲與

二屈君之疆也

疆境也二屈屈有南北今河東有此屈則是時復有南屈

不可以

無主宗邑無主則民不威

威畏也

疆場無主則啓戎心

啓開也開戎侵盜之心晉南有陸渾之戎蒲接之北有山戎二屈接之

戎之生心民慢

其政國之患也若使天子主曲沃而二公子主蒲與

屈乃可以威民而懼戎且旌君伐

旌章也伐功也

使俱曰翟

之廣莫於晉為都

使俱者使二五同聲也廣莫北翟沙莫也下邑曰都使如為晉下邑

也晉之啓土不亦宜乎

啓土辟竟也

公說乃城曲沃天子

處焉又城蒲公子重耳處焉又城二屈公子夷吾處

焉驪姬既遠天子乃生之言

生生讒言也

天子由是得臯

十六年公作二軍

獻公十六年魯閔之元年魯釆十六年王命晉武公以一軍爲晉侯

至此初作二軍軍有上下

公將上軍太子將下軍以伐霍

霍周文王之子

霍叔武之國也

師未出士蔿言於諸大夫曰夫太子君之貳

也貳副也

恭以俟嗣何官之有今君分之土而官之

以位

也卿是左之也

左猶外也

吾將諫以觀之乃言於公曰夫大

子君之貳也而帥下軍無乃不可乎公曰下軍上軍

之貳也寡人在上申生在下不亦可乎士蔿對曰下

不可以貳上

猶足不可以貳手也手足左右各自爲貳也

公曰何故對曰

貳若體焉

體四支也

上下左右以相心目

相助也

用而不倦

身之利也

倦勞也有貳故不勞四體役身故身之利也

上貳代舉

上手代更也

下貳代履

下足履步也

周旋變動以役心目

役爲也

故能治

事以制百物

制裁也

若下攝上與上攝下

攝持也

周旋不

變以違心目其反爲物用也何事能治

爲物用與百物器用無異

故古之爲軍也軍有左右闕從補之

左右左右闕缺也

成

而不知是以寡敗

不知敵不知有闕也

若以下貳上闕而不變

敗弗能補也

變更也

變非聲章弗能移也

聲金鼓也章旌旗也移動

也聲章過數則有變有變則敵入

變隙也軍法進退旌鼓有數過

數則有隙敵見隙而犯已

敵入而凶救敗不暇誰能退敵

凶猶凶凶恐懼

也退

敵之如志國之憂也可以陵小難以征大

以下軍貳

上可以侵陵小國難以征大國也

君其圖之公曰寡人有子而制焉

非子之憂也對曰夫天子國之棟也棟成乃制之不

亦危乎

棟成謂位已定而更其制使將兵危之道也

公曰輕其所任雖危

何害

輕其所任謂輕大子之任重責也雖近危猶無害也

士蔦出語人曰大

子不得立矣改其制而不患其難輕其任而不憂其

危君有異心又焉得立行之克也將以害之

以得衆害之

若其不克其因以臯之雖克與不無所避臯與其勤

而不入不如逃之

不入不入君意也逃去也

君得其欲大子遠死

且有令名爲吳大伯不亦可乎

得其欲得立奚齊也大伯謬季歷遠適吳

越後武王追封曰吳伯故曰吳大伯

大子聞之曰子輿之爲我謀忠矣

子輿士蔦字也

然吾聞之爲人子者患不從不患無名

不從不從

父命也 爲人臣者患不勤不患無祿今我不才而得勤

與從以戰伐爲勤從又何求焉能及吳大伯乎太子遂行

克霍而反讒言彌興彌益也優施教驪姬夜半而泣謂

公曰吾聞申生甚好仁而彊彊彊也甚寬惠而慈於民

慈愛也皆有所行之行之皆有法術也今謂君惑於我必亂國

夫無乃以國故而行彊於君以國故而以彊劫君也君未

終命而不沒沒終也君其若之何益殺我無以一妾亂百

姓益何也公曰夫豈惠其民而不惠於其父乎惠愛驪

姬曰妾亦懼矣吾聞之外人之言曰爲仁與爲國不

同爲仁者愛親之謂仁爲國者利國之謂仁利國謂安社稷

姓也利百故長民者無親無親無私親也衆以為親苟衆利而百

姓和豈能憚君豈憚殺君也以衆故不敢愛親衆況厚之

況益也言以衆故殺君除民害衆益為厚也彼將惡始而美終以晚蓋者

也美善也晚後也蓋掩也言以後善掩前惡凡民利是生謂為民生利也殺君而

厚利衆衆孰沮之沮敗也殺親無惡於人人孰去之苟

交利而得寵志行而衆說交俱也欲其甚矣孰不惑焉

欲欲太子也誰不惑謂國人也雖欲愛君或不釋也釋解也今夫以君

為紂若紂有良子而先喪紂良善也喪云也若紂之有善子知紂之惡紂終

必滅國以計言之不如先自殺之無章其惡而厚其敗厚其敗謂武王擊以輕劍

斬以黃鈞之死也無必假手於武王鈞同也假借也而其世

不廢祀至于今吾豈知紂之善不哉先自云之故君

欲勿恤其可乎恤憂也若大難至而恤之其何及矣公

懼曰若何而可驪姬曰君盍老而授之政稱老以政投申生也

彼得政而行其欲得其所索乃其釋君且君其圖之

自相叔以來孰能愛親相叔獻公曾祖曲沃相叔成師也相叔伐晉殺其兄子昭

侯於翼相叔生嚴伯嚴伯又伐翼殺昭侯之子孝侯嚴伯生武公武公滅翼而兼之武公生獻公獻公滅

相嚴之族也唯無親故能兼翼公曰不可與政我以武與

威是以臨諸侯未沒而亡政不可謂武有子而不勝

不可謂威我授之政諸侯必絕能絕於我必能害我

失政而害國不可忍也爾勿憂吾將圖之驪姬曰以

臯落翟之朝夕苛我邊鄙

臯落東山翟也苛擾也

使無日以牧

田野

無日不有翟傷故不得牧於田野也

君之倉稟固不實又恐削封

疆君盍使之伐翟以觀其果於衆也與衆之信輯睦

焉

果果於用師也輯和也

若不勝翟雖濟其臯可也

濟度也以不勝罪之

若勝翟則善用衆矣求必益廣

所求益廣也

乃可厚圖也

且夫勝翟諸侯驚懼五邊鄙不傲倉稟盈四鄰服封

疆信君得其賴

信審也賴利也

又知可不其利多矣君其圖

之公說是故使申生伐東山

東山臯落氏也

衣之偏袷之衣

佩之金玦

袷在中左右異故曰偏玦如環而缺以金爲之

僕人贊聞之曰大

子殆哉

贊大子僕也殆危也

君賜之奇奇生怪怪生無常無常

不立

奇異也 不立 不得立也

使之出征先以觀之

觀其用 衆也

故告

之以離心而示之以堅忍之權

離心偏衣中分也 堅忍金玦也 玦以示離

也傳曰金 寒玦離

則必惡其心而害其身矣 惡其心必內險

之險危

害其身必外危之

外危之使 攻伐也

危自中起難哉

且是衣也 狂夫阻之衣也

狂夫方相氏之士也 阻古 諛字將服是衣必先諛之

周禮方相氏黃金四目玄衣 朱裳執戈揚盾以驅疫也

其言曰盡敵而反

言謂 狂夫

祭諛 之言雖盡敵其若內讒何 申生勝翟而反 讒言作於

中君子曰知微

知微謂僕 人贊也

十七年冬公使太子伐東山

獻公十七年 魯閔二年

里克諫曰

臣聞臯落氏將戰

言其不服將 與申生戰也

君其釋申生也

釋舍 也

公曰行也對曰非故也非改也君行天子居以監國也

君行則守君行天子從以撫軍也有守則從撫循軍士今君居天子

行未有此也公曰非子之所知也寡人聞之立天子之

道三身鈞以年身鈞德同也年同以愛立所愛也愛疑決

之以上筮愛疑愛同也龜曰卜筮曰筮子無謀吾父子之間吾以

此觀之言吾使之征伐欲觀其能不也公不說里克退見天子天子

曰君賜我偏衣金玦何也里克曰孺子懼乎衣躬之

偏而握金玦令不偷矣孺子何懼孺少也偷薄也偏半也分身之半以

授天子又令握金玦金玦兵要也君令於天子不為薄矣夫為人子者懼不孝不

懼不得賈唐云不得不得君心也昭謂不得不得立也內傳天子曰吾其廢乎里克曰子懼不孝

無懼不
得立

且吾聞之敬賢於請

賢愈也言執恭
切愈於請求也

孺子勉

之乎

勉為
孝敬

君子曰善處父子之間矣

入諫其父
出勉其子

大子

遂行狐突御戎先友為右

狐突晉同姓唐叔之後狐
偃之父大戎伯行也先友

晉大夫先丹木
之族右車右也

衣偏衣而佩金玦出而告先友曰君

與我此何也先友曰中分而金玦之權在此行也孺

子勉之

中分中分君之半
也金玦以兵決事

狐突歎曰以龙衣純

雜色
曰龍

純純德謂
大子也

而玦之以金銑者寒甚矣胡可恃也

玦猶
決也

銑猶洒也洒洒寒白
言於大子無温潤也

雖勉之敵其可盡乎先友曰衣

躬之偏握兵之要

握兵之要金玦之勢也金為兵
玦所以圖事決計也故為兵要在

此行也勉之而已矣偏躬無慝兵要遠灾

慝惡也衣
身之半君

無惡意也握兵之勢親以無災又何患焉至于稷桑

欲令大子遠災害也生也申生欲戰狐突諫曰不可

突聞之國君好艾大夫殆艾當為外聲相似誤也好

大夫殆殆危也好內適子殆社稷危好內多嬖妾也嬖專寵

稷危周幽王是也若惠於父而遠於死惠順也去避奚齊為

傳曰狐突欲行惠於眾而利社稷其可以圖之乎惠於眾謂

子去則國不爭故利社稷况其危身於翟以起讒於內也申生曰

不可君之使我非歡也非歡愛抑欲測吾心也測猶

是故賜我奇服而告我權奇服偏袞又有甘言焉申

將去父又以美言撫慰之言之大甘其中必苦譖在中矣君故生

美言撫慰之

心有此甘言非本也雖蝎潛焉避之不若戰也蝎木蟲也

中起如蝎食木不能避也不戰而反我臯滋厚滋益也我戰雖死猶

有令名焉有恭從之名也果戰敗翟於稷桑而反讒言益起

狐突杜門不出不出避難也君子曰善深謀

晉語第七 國語

晉語第八

國語

韋氏解

反自稷桑處五年

自從也從伐東山戰於稷桑而反也處五年魯僖之四年也

驪姬

謂公曰吾聞申生之謀愈深

謀謀殺公也愈益也

日吾固告君

曰得衆

日往也

衆弗利焉能勝翟

衆若不利焉肯爲用而勝翟乎

今矜

翟之善其志益廣

矜大也善善用衆也

狐突不順故不出

狐突申生

之戎御也不順謂大子不順也

吾聞之申生甚好信而彊

彊彊禦也信言必行

又失言於衆矣雖欲有退衆將責焉

失言許衆以取國也退改

悔也言不可食衆不可弭

食偽也弭止也

是以深謀君若不圖

難將至矣公曰吾不忘也抑未有以致罪焉驪姬告

優施曰君既許我殺大子而立奚齊矣吾難里克柰

何優施曰吾來里克一日而已

來謂轉里克之心使來從已用一日之間

言其易也

子爲我具特羊之饗

特一也凡牲一爲特二爲牢

吾以從之

飲酒我優也言無郵

郵過

驪姬許諾乃具使優施飲

里克酒中飲優施起舞謂里克妻曰主孟啗我

大夫之妻

稱主從夫稱也孟里克妻字啗啖也孟或作盍

我教茲暇豫事君

茲此此里

也豫樂也

乃歌曰暇豫之吾吾不如鳥鳥

吾讀如魚吾吾不敢自親之貞

言里克欲爲閑樂事君之道反不

人皆集於苑已獨

集於枯

集止也苑茂木貞已里克也喻人皆與奚齊已獨與申生也

里克笑曰何

謂苑何謂枯優施曰其母爲夫人其子爲君可不謂

苑乎其母既死其子又有謗可不謂枯乎枯且有傷

無母論枯有謗論傷傷病也

優施出里克辟奠不殮而寢

辟去也奠置也

孰食

夜半召優施曰曩而言戲乎抑有所聞之乎

曩向

也而

曰然君既許驪姬殺大子而立奚齊謀既成矣

也成定

里克曰吾秉君以殺大子吾不忍

秉執也執君志以殺大子

不忍不忍為也

通復故交吾不敢

交與大子交也

中立其免乎優施

曰免

亦中立不阿君

且而里克見丕鄭

夜半召優施且而見丕鄭

曰

夫史蘇之言將及矣優施告我君謀成矣將立奚齊

丕鄭曰子謂何

謂優施何言也

曰吾對以中立丕鄭曰惜也

惜惜其

不如曰不信以疏之

曰不信者逆優施以不然也距之以不然則驪

姬意疎不

亦固大子以攜之

固固持也攜離也固持太子以離驪姬之黨

敢必也

多為之故以變其志志少疏乃可聞也故謂多作計術以變易其

志志少疏乃可聞間亦離也今子曰中立況固其謀況益彼有成

矣難以得閒里克曰往言不可及及追且人中心唯

無忌之何可敗也言驪姬唯無忌憚之心子將何如

丕鄭曰我無心是故事君者君為我心制不在我無

心者不得自在也君里克曰殺君以為廉賈侍中云廉猶利也

以天子故殺君以自利唐尚書云為天子殺奚齊不

有其國以為廉也昭謂是時夫子未廢獻公在位而長廉以驕心因

驕以制人家吾不敢制裁也自大其廉而有驕人之

敢不敢抑撓志以從君為廢人以自利也撓屈也人謂申生也

利方以求成人吾不能

方道也利得道以求成也

將伏

也伏隱也

明日稱疾不朝三旬難乃成

難殺申生也

驪

姬以君命命申生曰今夕君夢見齊姜必速祠而歸

福齊姜申生母也福肥肉也

申生許諾乃祭于曲沃歸福于絳

所都也

公田驪姬受福乃寘鳩于酒

寘置也鳩也

肉董鳥頭也

公至召申生獻獻獻也公祭之地地墳

將飲先祭示有

先也墳也

申生恐而出驪姬與犬肉犬斃

斃死也

飲小臣

酒亦斃

小臣官名掌陰事陰命闈士也

公命殺杜原款

原款申生之傅申生

奔新城

新城曲沃也新為大子城之

杜原款將死使小臣圉告于

申生

小臣大子小臣名圉原款因為告大子也

曰款也不才寡知不敏

也不能教道守以至于死不能深知君之心度度尺棄寸也

寵求廣土而竄伏焉棄寵令大子棄位也求廣土奔它國也竄隱也小心狷

介不敢行也狷者守分有所不為也言雖知當與申生俱去取不能事君而出故不敢行也

是以言至而無所訟之言讒也故陷於大難乃逮于讒

也逮及然款也不敢愛死唯與讒人均是惡也讒人驪姬均同

也吾聞君子不去情不去忠愛之情不反讒反謂覆校自申理也讒行

身死可也猶有令名焉有孝名也死不遷情彊也遷易也守

情說父孝也殺身以成志仁也死不忘君敬也使

遺言屬孤突是也孺子勉之死必遺愛死民之思不亦可乎

申生許諾死民之思為民所思也人謂申生日非子之罪何不

去乎申生曰不可去而罪釋必歸於君是惡君也

解釋

也歸於君惡歸於君也

章父之惡而笑諸侯吾誰鄉而入

笑諸侯

侯所笑也當趨鄉誰入誰國也

內困於父母外困於諸侯是重困也

棄君去罪是逃死也吾聞之仁不惡君知不重困勇

不逃死若罪不釋去而必重去而罪重不知逃死而

惡君不仁有罪不死無勇去而厚惡惡不可重死不

可避吾將伏以俟命驪姬見申生而哭之

就曲沃哭之

曰

有父忍之況國人乎

有父忍自殺之況能愛國人乎

忍父而求好人

人孰好之殺父以求利人人孰利之皆民之所惡也

難以長生驪姬退申生乃雉經于新城之廟

雉經頭搶而縣

也死將死乃使猛足言於狐突曰申生有罪不聽伯氏

以至於死猛足申生臣伯氏狐突字也申生不敢愛

其死雖然吾君老矣國家多難伯氏不出柰吾君何

伯氏苟出而圖吾君圖為之申生受賜以至於死雖

死何悔是以謚為共君謚法既過能改曰恭驪姬既

殺太子申生又譖二公子曰重耳夷吾與知共君之

事言與知其公令奄楚刺重耳重耳逃于翟奄奄士

伯楚寺人披之字於文公令賈華刺夷吾夷吾逃于

梁賈華晉大夫梁嬴姓之國伯爵也唐尚書云晉滅

盡逐羣公子羣公子獻公之庶孽及先君之乃立奚

支庶也傳曰獻公之子九人

齊焉始為令國無公族焉

二十二年公子重耳出亡及柏谷卜適齊楚

獻公二十二年

魯僖五年也公使寺人披伐蒲城重耳自蒲出奔及至也柏谷晉地也

狐偃曰無卜焉

狐偃重耳之舅狐突之子子犯也無卜不須卜也

夫齊楚道遠而望大不可

以困往

望大望諸侯朝貢不恤亡公子也

道遠難通

通至也

望大難忝

難歸走也

困往多悔困且多悔不可以忝望

望望其力也

若以

偃之慮其翟乎

可之翟也

夫翟近晉而不通

不與晉通也

愚陋

而多怨

多怨於戎翟

忝之易達不通可以竄惡

竄隱也

多怨

可以共憂今若休憂於翟以觀晉國且以監諸侯之

為其無不成

監視也之為誰動也視諸侯所為故無不成也

乃遂之翟處

一年公子夷吾亦出奔

魏翟一年魯僖之六年公使賈華伐屈夷吾自屈出奔

曰盜從吾兄竄於翟乎冀芮曰不可

冀芮晉大夫冀缺之父

後

出同走不免於罪

同走嫌同謀也

且夫偕出偕入難

偕俱

聚

居異情惡

聚共也虞云重耳夷吾情好不同故惡相近昭謂異情謂各欲求入為君於義惡也

不若走梁梁近於秦秦親吾君吾君老矣

秦穆夫人獻公之妻

故親吾君也

子往驪姬懼必援於秦以吾存也

以吾存者以吾在梁

依秦也

且必告悔告悔是吾免也

免免罪也

乃遂之梁居二

年驪姬使奄楚以環釋言

居梁二年魯僖之七年環還也釋言以言自

解釋也

四年復為君

居梁四年魯僖之九年也

號公夢在廟

號公王季之子文王之弟號仲之後號公醜也廟宗廟也

有神人面

白毛虎爪執鉞立於西阿

西阿西榮也

公懼而走神曰無

走帝命曰使晉襲于爾門

帝天也襲入也

公拜稽首覺召史

罍占之

史罍號大史也

對曰如君之言則蓍收也

蓍收西方白虎金正

之官也傳曰少皞氏有子曰該焉蓍收

天之刑神也

刑殺之神也

天事官成

官成禍福各以官象成也

公使囚之且使國人賀夢

欲轉吉之故使賀也

舟

之僑告其諸族

舟之僑號大夫

曰衆謂號亡不久吾乃今知

以其賀夢

君不度而賀大國之襲於已何瘳

度揆也大國晉也瘳

猶損也言君不揆度神意而令賀之何損於禍也

吾聞之曰大國道小國襲

焉曰服

襲入也

小國教大國襲焉曰誅

教慢也

民疾君之

侈也是以遂於逆命

逆命距違君命也

今嘉其夢侈必展

展申

也 是天奪之鑒而益其疾鑒鑄也鑄所民疾其態天

又誑之誑猶惑也大國來誅出令而逆逆謂令國人賀夢宗國既

卑諸侯遠已宗國公族也遠疎外也內外無親其誰去救之去言

也 吾不忍俟也將行也行去也以其族適晉六年虢乃亡

適晉在魯閔二年後六年魯僖五年

伐虢之役師出於虞魯僖五年獻公官之奇諫而不

聽官之奇虞大夫諫虞公不聽出謂其子曰虞將亡矣唯

忠信者能留外寇而不害留外寇謂舍晉軍於國也除闇以應外

謂之忠除去也去已闇昧之心定身以行事謂之

信定安也行事以安今君施其所惡於人闇不除矣

已之所惡而以施人
謂假晉道以伐虢也
以賄滅親身不定矣
賄財也謂虞受晉屈

產之乘垂棘之辭
假之道也親謂虢也虞大王之後虢王季之曹
夫國非忠不立非

信不固既不忠信而留外寇
寇知其釁而歸圖焉
釁隙

也圖謀也
已自拔其本矣何以能久
本謂忠信
吾不去懼及焉

以其孥適西山
孥妻子也西國之西界
三月虞乃亡
晉滅之也

獻公問於十偃
十偃晉掌十大夫郭偃也
曰攻虢何月也
宜用對

曰童謠有之
童童子徒歌曰謠
曰丙之晨龍尾伏辰
丙丙子晨蚤朝

也龍尾尾星也伏隱也辰日月之交會也魯僖五年冬周十二月夏十月丙子朔之朝日在尾月在天策

也伏辰辰在龍尾隱而未見也
均服振振取虢之旂
均同也戎服君臣同振振威武

也交龍
鶉之賁賁天策焯焯火中成軍虢公其奔
鶉鶉

火鳥星也賁真鶴火星星兒也天策尾上一星名曰天策一名傳說焯焯近日月之兒也火鷄火也中晨中也成軍軍有成功也傳曰冬十二月丙子朔晉滅虢虢公醜奔京師火中而旦其九月

十月之交乎交晦朔之閒也

葵丘之會獻公將如會魯僖九年秋齊桓公盟諸侯於葵丘葵丘地名遇宰

周公宰周公王卿士宰孔也為冢宰食菜於周故曰宰周公周公自會先歸遇獻公於道曰君

可無會也夫齊侯好示務施與力而不務德好示自

以信施示諸侯而不務德也施惠也力功也故輕致諸侯而重遣之輕謂垂橐

而入重謂使至者勸而畔者慕懷之以典言懷安也典法也

法言謂陽殺之會以薄其要結而厚德之以示之信四教令諸侯之屬

薄其要結謂束牲為盟皮馬為幣三屬諸侯存亡國三以示之施屬會

也三會乘車之會三也
存三亡國魯衛邢也

是以北伐山戎南伐楚西爲

此會也譬之如室既鎮其薨矣又何加焉

薨棟也又
何加諭已

成也吾聞之惠難徧也施難報也不徧不報卒於怨讎

夫齊侯將施惠如出責

如出責望
其報也是之不果奉

行而暇晉是皇

東

方也其後會
于唯是也君無懼焉其有勤也公乃還

無懼於不
會也

有勤
勞也宰孔謂其御曰晉侯將死矣景霍以爲城

景大
也

霍晉山名也
今在河東而汾河涑澮以爲淵

四者水名
淵池也戎翟之

民實環之

環繞
汪是土也

苟違其違誰能懼之

苟違違去也
其違違道也

今晉侯不量齊德之豐否

豐厚也
不也不度

諸侯之勢

疆弱之勢

釋其閉脩

釋舍也閉守也脩治也

而輕於行道

也

諸侯之勢

失其心矣

失其心守也

君子失心鮮不夭昏

夭折也昏是

歲也獻公卒八年為淮之會

八年葵丘後八年也相公復會諸侯於淮在魯

僖十六年傳曰會于淮謀鄆且東略也

相公在殯宋人伐之

魯僖十七年冬齊相

公卒五子爭立大子奔宋宋襄公伐齊納之是為孝公也

二十六年獻公卒

獻公二十六年魯僖九年

里克將殺奚齊先告

荀息曰三公子之徒將殺孺子子將如何

荀息奚齊之傅三公

子申生重耳夷吾徒黨也

荀息曰死吾君

死畜吾君也

而殺其孤吾有

死而已吾蔑從之矣

蔑無也

里克曰子死孺子立死不

亦可乎子死孺子廢焉用死哉荀息曰昔君問臣事

君於我我對以忠貞君曰何謂也我對曰可以利公

室力有所能無不為忠也葬死者養生者死人復生

不悔得其所以任生人不愧貞也吾言既往矣往行豈

能欲行吾言而又愛吾身乎雖死焉辟之焉得里克

告丕鄭曰三公子之徒將殺孺子子將何如丕鄭曰

荀息謂何荀息何言對曰荀息曰死之丕鄭曰子勉之夫

二國士之所圖無不遂也二國士里克荀我為子行

之助行其事謂使子帥七輿大夫以待我七輿申生

也左行共華右行賈華叔堅驩我使翟以動之援

繫虎特官山祁也待我待我應之

秦以搖之重耳在翟故欲告翟又結援於立其薄者

可以得重賂

結秦翟之援以立二公子
恩薄者可以得重賂也

厚者可使無

入於已厚者可使
公子不得入立

二國誰之國也

言晉可專也

里克曰不

可克聞之夫義者利之足也

有義然後利立
故曰利之足也

貪者怨

之本也

貪則專利
故人怨之

廢義則利不立

無足故
不立

厚貪則怨

生夫孺子豈獲罪於民將以驪姬之惑蠱君而誣國

人

蠱化也
誣罔也

讒羣公子而奪之利使君迷亂信而亡之

信姬之言
使皆奔亡

殺無罪以爲諸侯笑

無罪謂
申生也

使百姓莫不

有藏惡於其心中

人懷
悖逆

恐其如壅大川潰而不可救

禦也

禦止
也

是故將殺奚齊而立公子之在外者以定

民弭憂於諸侯且爲援

弭止也
言諸侯義
已則得以爲援也

庶幾曰諸

侯義而撫之百姓欣而奉之國可以固

固安也

今殺君

而賴其富

賴利也

貪且反義貪則民怨反義則富不為

賴不義而富必危故不為利

賴富而民怨亂國而身殆懼為諸侯

載

載見於書為後戒也

不可常也不鄭許諾於是殺奚齊卓子

及驪姬而請君于秦既殺奚齊荀息將死之人曰不

如立其弟而輔之荀息立卓子里克又殺卓子荀息

死之君子曰不食其言矣

食偽也

既殺奚齊卓子里克

及丕鄭使屠岸夷

屠岸夷晉大夫

告公子重耳於翟曰國亂

民擾得國在亂治民在擾

非亂何入非擾何安亦言勞民易為治也

子盍

入乎吾請為子鉢

鉢導也

重耳告舅犯曰里克欲納我

舅犯曰不可夫堅樹在始樹木也始始不固本終必

槁落夫長國者唯知哀樂喜怒之節是以導民長君也導

訓也不哀喪而求國難因亂以入殆以喪得國則必樂

喪樂喪以喪為樂樂喪必哀生因亂以入則必喜亂喜亂必

怠德怠懈也是哀樂喜怒之節易也易反也何以導民民

不我導誰長不我導不從我訓也長君之也重耳曰非喪誰代非亂

誰納我舅犯曰偃也聞之偃子犯名為重耳舅故曰舅犯喪亂有小

大大喪大亂之剡也不可犯也剡鋒也父母死為大喪

讒在兄弟為大亂今適當之是故難公子重耳出見

使者曰子惠顧亡人重耳父生不得供備洒掃之臣

也酒灑死又不敢莅喪以重其罪且辱大夫敢辭莅臨也

夫固國者在親衆而善鄰固定也親衆愛士民也善鄰善鄰國也在因

民而順之因民所愛而立之爲順民也苟衆所利鄰國之所立大

夫其從之重耳不敢違呂甥及卻稱亦使蒲城午呂甥

卻稱夷吾之徒也蒲城午晉大夫告公子夷吾于梁曰子厚賂秦人

以求入吾主子主子爲子內主也夷吾告冀芮曰呂甥欲納

我冀芮晉大夫卻豹子從夷吾故告也冀芮曰子勉之國亂民擾大夫

無常不可失也無常無常心也非亂何入非危何安亂有所代危得

之安幸苟君之子唯其索之索求也所方亂以擾孰適

禦我大夫無常苟衆所置孰能勿從子盍盡國以賂

外內無愛虛以求入

外謂諸侯內謂大夫虛國藏以求入也

既入而後

圖聚

入國乃圖畜聚也

公子夷吾出見使者再拜稽首許諾

呂甥出告大夫曰君死自立則不敢

自立立嗣君也

久則恐諸

侯之謀徑召君於外也

恐受賂徑自召他公子也

則民各有心恐

厚亂

各有心所愛不同也

盜請君于秦乎

秦親晉故欲請所立

大夫許諾

乃使梁由靡告于秦穆公

梁由靡晉大夫秦穆公伯益之後德公之子穆公任

好曰天降禍于晉國讒言繁興延及寡君使寡君之

紹續昆裔

紹繼也續嗣也昆後也裔末也

隱悼播越託在草莽未有

所依

隱憂也悼懼也倚也播散也

又重之以寡君之不祿喪

亂並臻

士死曰不祿禮君死赴於它國曰寡君不祿謙也臻至也

以君之靈鬼神

降衷

衷善也

罪人克伏其辜

罪人驥也

羣臣莫敢寧處將待

君命

待君命所立也

君若惠顧社稷不忘先君之好辱收其

逋遷衣商胄而建立之

逋亡也遷徙也胄後也

以主其祭祀且填

撫其國家及其民人雖四鄰諸侯之聞之也其誰不

儆懼於君之威而欣喜於君之德終君之重愛受君

之重況而羣臣受其大德

君謂獻公也況賜也

晉國其誰非君

之羣隸臣也

隸役也

秦穆公許諾反使者

反報也

乃召大

夫子明及公孫枝

子明秦大夫百里孟明視公孫枝秦公孫子桑也

曰夫晉

國之亂吾誰使先

當先立誰

若夫二公子而立之

若之也使之二

公子擇所立也

以爲朝夕之急

言晉無君朝夕之急也

大夫子明曰君

使絜也

絜秦公子子顯也

絜敵且知禮敬以知微敵能竄謀

竄微也

知禮可使敬不隊命

隊失也

微知可否

微密故知可否

君

其使之乃使公子絜弔公子重耳于翟曰寡君使絜

弔公子之憂又重之以喪

奔亡之憂加之以喪親也

寡人聞之得

國常於喪失國常於喪

若齊桓公以喪得國子糾以喪失之是也

時不可

失喪不可久公子其圖之重耳告舅犯舅犯曰不可

亡人無親信仁以為親

亡人無親者被不孝之名棄親而亡也當信行仁道然後

有親是故置之者不殆

置立也殆危也

父死在堂而求利人孰

仁我

人誰以我為仁也

人實有之我以微幸人孰信我

人實有之

時多公子非獨己也我從外

微幸而未之人誰謂我信也不仁不信將何以長利

公子重耳出見使者

使者公
子繫也

曰君惠弔亡臣又重有

命

反國

重耳身亡父死不得與於哭泣之位又何敢

有它志以辱君義

它志謂
為君也

再拜不稽首起而哭

易位
而哭

退而不私

不私不
私訪也

公子繫退弔公子夷吾于梁如弔

公子重耳之命夷吾告冀芮曰秦人勤我矣

勤助
我也冀

芮曰公子勉之亡人無猶潔猶潔不行

亡人不可
以猶潔猶潔則

大事

重賂配德

以重賂配
已之德也

公子盡之無愛財人實有

之我以徼幸不亦可乎公子夷吾出見使者再拜稽

首起而不哭退而私於公子繫曰中大夫里克與我

矣

與我助
我也

吾命之以汾陽之田百萬

賈侍中云汾水
名汾陽晉地百

萬百萬

壁大夫丕鄭與我矣吾命之以負葵之田七

十萬

地名

君苟輔我蔑天命矣

命在秦而已

吾

必遂矣

遂成也

亡人苟入掃除宗廟定社稷亡人何國

之與有

言但得守宗廟社稷不敢望國土也

君實有郡縣

言君亦自有郡縣非謂之

也且入河外列城五

河外河東也列城五東盡虢略南及華山內及解梁城

豈

謂君無有亦為君之東游津梁之上無有難急也

津水

也梁橋也非謂君無有若此地者欲使之耳

亡人之所懷

挾嬰瓌以望君之塵垢者

挾持也嬰馬纓瓌馬帶言塵垢不敢當盛也

黃

金四十鎰白玉之珩六雙

二十兩為鎰珩佩上飾也珩形似磬而小詩傳曰上

有雙璜下

不敢當公子請納之左右

言左右謙也公

子繫反致命穆公穆公曰吾與公子重耳重耳仁再

拜不稽首不沒爲後也

沒貪也

起而哭愛其父也退而

不私不沒於利也

不沒不貪利國家也

公子繫曰君之言過矣

君若求置晉君而載之

載成也

置仁不亦可乎君若求

置晉君以成名於天下

成威名也

則不如置不仁以滑其

中

滑亂也

且可以進退

進退猶改易也

臣聞之仁有置武有置

仁置德武置服

仁置有德武置服從

是故先置公子夷吾寔爲

惠公

穆公問冀芮曰公子誰恃於晉對曰臣聞之亡人無

黨有黨必有讎

有與爲黨必有與爲讎言無黨則必無讎

夷吾之少也不

好弄戲不過所復

不過差也

怒不及色

無色過也

及其長也弗

改是故出亡無惡於國而衆安之不然夷吾不佞其

誰能恃乎

佞才也言無恃則恃秦也

君子曰善以微勸

晉語第八

國語